

王系考

璿譜歷年

太上王

后妃并教命玉冊

文獻備考

卷



東國文獻備考卷之六十九

校正

補王系考一

馬氏通考有帝系考十編上自廟號紀年下逮皇族戚畹詳細載錄同或漏俾知派系之源委歷年之久近以作毓祉發祥之符契則帝系之於有國其重若彼而顧茲備考獨不概見將無以尋流而究源繫時而攷事豈非此書之一大闕典也哉茲敢依通考例敬書廟號名諱璿璜派系以至於公族支流逐

一備載只易一帝字作王系考第六凡六卷

璿譜歷年

檀君諱王儉古記云東方初無君長只有九種夷有

神人降于太伯山

即妙香山

神檀樹下

詳見氏族考

唐堯二十

五年戊辰立為王國號朝鮮都平壤後徙白岳

世號唐藏

京在文化

商武丁乙未入阿斯達山

即九月山在文化

為神在位

一千四十八年

或云享國一千二百一十一年壽一千九百八歲洪武丙子吉昌君權延奉

使朝京太祖皇帝命題檀君詩近應製曰傳世不知幾歷年曾過千世以為實記云

箕子姓子氏諱胥餘

柳文箕子廟碑註名須臾

以殷宗室封於箕

號箕子周武王元年己卯避周歷五千人入朝鮮其

詩書禮樂鑿巫陰陽卜筮之流百工技藝皆從往焉

武王因以封之國號亦稱朝鮮都平壤成王戊午薨

在位四十年壽九十三結序之君不著四十世孫否

所誘逼南奔至金馬四十一世共九百二十九年

衛滿本燕人因盧綰之亂亡命東渡涓水東史作大

是鴨綠江漢惠帝元年丁未誘逐朝鮮王箕準自立

為王國號亦稱朝鮮都平壤傳子至孫右渠武帝元

封三年癸酉為漢所滅三世共八十七年

新羅始祖姓朴氏詳見氏族考諱赫居世謂一世國號徐

耶代王號居西干方言王也即漢宣帝五鳳元年甲子也

都慶州平帝元始四年甲子薨在位六十一年壽七十三

南解次次雄

或作慈充方言
至敬畏之稱

赫居世長子漢平帝元

始四年甲子立王彌次次雄帝玄更始二年甲申薨

在位二十一年

遺命朴昔二姓
以年長嗣位

儒理

一作禮

凡師今

方言蓋理蓋以
蓋多為貴云

南解太子帝玄更

始二年甲申立王彌尼師今漢光武中元二年丁巳

薨在位三十四年

脫解

一作吐

尼師今姓昔氏

詳見氏族考

名脫解

以解檀
脫外名

南

解五年聞其賢以其女妻之漢光武中元二年丁巳

以南解遺命立章帝建初五年庚辰薨在位二十四
年壽九十九改國號鷄林

婆娑尼師今姓朴氏儒理第二子漢章帝建初五年
庚辰立安帝永初六年壬子薨在位三十三年

祇摩

一作祇味

尼師今婆娑長子漢安帝永初六年壬子

立順帝陽嘉三年甲戌薨在位二十三年

逸聖尼師今儒理長子

三國遺事云弩禮兄子或云葛文王日知子

漢順

帝陽嘉三年甲戌立桓帝永興二年甲午薨在位二
十一年

阿達羅尼師今逸聖長子漢桓帝永興二年甲午立

靈帝中平元年甲子薨在位三十一年

伐休

一作發暉

尼師今姓昔氏脫解之孫父角干仇鄒漢

靈帝中平元年甲子立獻帝建安元年丙子薨在位十三年

奈解尼師今伐休之孫父伊買漢獻帝建安元年丙子立後主建興八年庚戌薨在位三十五年

助賁

一作諸貴

尼師今伐休之孫父太子骨正漢後主建

興八年庚戌立延熙十年丁卯薨在位十八年

沾解尼師今助賁母弟漢後主延熙十年丁卯立景耀四年辛巳薨在位十五年

味鄒

一作味鄒

尼師今姓金氏閼智之後父葛文王

仇道漢後主景耀五年壬午立晉武帝太康五年甲

辰薨在位二十三年

儒禮

古記亦作儒理

尼師今姓昔氏助賁長子晉武帝太康

五年甲辰立惠帝元康八年戊午薨在位十五年

基臨

一作基立

尼師今助賁之孫

或云曾孫

父用飡乞淑晉惠

帝元康八年戊午立懷帝永嘉四年庚午薨在位十

三年改國號新羅

其間或稱斯羅或稱斯盧

訖鮮尼師今奈鮮之孫父角干于老晉懷帝永嘉四

年庚午立穆帝永和十二年丙辰薨在位四十七年

奈勿

一住那勿
或住那密

尼師今姓金氏味鄒之姪父角干末

仇晉穆帝永和十二年丙辰立安帝元興元年壬寅

薨在位四十七年

實聖尼師今闕智裔孫父伊飡大西知晉安帝元興

元年壬寅立義熙十三年丁巳為訥祗所弑在位十

六年

訥祗

一作
訥支

麻立干

方言
表位之稱也

奈勿子晉安帝義熙十

三年丁巳立王蹄麻立干宋孝武帝大明二年戊戌

薨在位四十二年

慈悲麻立干訥祗長子宋孝武帝大明二年戊戌立

齊高帝建元元年己未薨在位二十二年

炤知

一作
此處

麻立干慈悲長子齊高帝建元元年己未

立主寶卷永光二年庚辰薨在位二十二年

智證王諱智大路

或住智度老
又住智哲老

奈勿之曾孫父葛文

王習寶齊主寶卷永光二年庚辰立梁武帝天監十

三年甲午薨在位十五年壽七十八謚智證始定國

號新羅又定稱王

法興王諱原宗智證王元子梁武帝天監十三年甲

午立大同六年庚申薨在位二十七年謚法興

真興王諱多麥宗

一作
麥夫

智證王之孫父葛文王立

宗梁武帝大同六年庚申立陳宣帝大建八年丙申
薨在位三十七年壽四十三謚真興

真智王諱舍輪

或作金輪

真興王次子陳宣帝大建八年

丙申立十一年己亥薨在位四年謚真智

真平王諱伯淨

一作伯淨

真興王之孫父太子銅輪陳宣

帝大建十一年己亥立唐太宗貞觀六年壬辰薨在
位五十四年謚真平

善德女主諱德曼真平王女真平無嗣唐太宗貞觀

六年壬辰國人立之二十一年丁巳薨在位十六年

謚善德

真德女主諱勝曼真平王弟葛文王國飯女唐太宗
貞觀二十一年丁未立高宗永徽五年甲寅薨在位
八年謚真德

太宗王諱春秋真智王之孫父伊噲龍春唐高宗永
徽五年甲寅立龍朔元年辛酉薨在位八年壽五十
九謚武烈廟號太宗

文武王諱法敏太宗王太子唐高宗龍朔元年辛酉
立開耀元年辛巳薨在位二十一年謚文武始統合
三國

神文王諱政明文武王太子唐高宗開耀元年辛巳

立中宗嗣聖九年壬辰薨在位十二年謚神文

孝昭王諱理洪

一作理恭

神文王太子唐中宗嗣聖九年

壬辰立十九年壬寅薨在位十一年壽十六謚孝昭

聖德王諱隆基避唐玄宗諱改興光

唐書作志誠

孝昭王

母弟唐中宗嗣聖十九年壬寅立玄宗開元二十五

年丁丑薨在位三十六年謚聖德

孝成王諱承慶聖德王弟二子唐玄宗開元二十五

年丁丑立天寶元年壬午薨在位六年謚孝成

景德王諱憲英孝成王母弟唐玄宗天寶元年壬午

立代宗永泰元年乙巳薨在位二十四年謚景德

惠恭王諱乾運景德王太子唐代宗永泰元年乙巳
立德宗建中元年庚申為宣德王所弑在位十六年
壽二十三謚惠恭

宣德王諱良相奈勿之十世孫父海飡孝芳唐德宗
建中元年庚申立貞元元年乙丑薨在位六年謚宣
德

元聖王諱敬信奈勿之十二世孫父一吉飡孝讓唐
德宗貞元元年乙丑立十四年戊寅薨在位十四年
謚元聖

昭聖

一作昭成

王諱俊邕元聖王之孫封太子父惠忠太

子仁謙唐德宗貞元十五年己卯立十六年庚辰薨
在位二年謚昭聖

哀莊王諱清明改重熙

文獻通考
在重熙

昭聖王太子唐德

宗貞元十六年庚辰立憲宗元和四年己丑為憲德
王所弑在位十年壽二十二謚哀莊

憲德王諱彥昇昭聖王母弟唐憲宗元和四年己丑
立敬宗寶曆二年丙午薨在位十八年謚憲德

興德王諱秀宗

或作
秀昇

改景徽

文獻通考
改景徽

憲德王母弟

唐敬宗寶曆二年丙午立文宗開成元年丙辰薨在

位十一年謚興德

從弟均
貞立金明
攻殺均
貞立勝隆

僖康王諱悌隆

一作悌顯

元聖王之曾孫父伊飡憲貞唐

文宗開成元年丙辰為閔哀王所立三年戊午又為

所弑在位三年謚僖康

閔哀王諱明元聖王之曾孫父大阿飡忠恭唐文宗

開成三年戊午立四年己未為神武王所弑在位二

年謚閔哀

神武王諱祐徵僖康王從弟父上大等均貞唐文宗

開成四年己未金陽奉而即位同年薨謚神武

文聖王諱慶膺神武王太子唐文宗開成四年己未

立宣宗大中十一年丁丑薨在位十九年謚文聖

憲安王諱誼靖一作靖神武王弟唐宣宗大中十一年

丁丑立懿宗咸通二年辛巳薨在位五年謚憲安

景文王諱膺廡

崔致遠
文作疑

僖康王之孫父阿飡啓明唐

懿宗咸通二年辛巳立僖宗乾符二年乙未薨在位
十五年壽三十謚景文

憲康王諱晟景文王太子唐僖宗乾符二年乙未立
光啓二年丙午薨在位十二年謚憲康

定康王諱晃憲康王弟唐僖宗光啓二年丙午立三
年丁未薨在位二年謚定康

真聖女主諱曼

崔致遠
文作坦

定康王女弟唐僖宗光啓三

年丁未立昭宗乾寧四年丁巳禪位于孝恭王同年

薨在位十一年謚真聖

孝恭王諱曉憲康王庶子

真聖女主立為太子

唐昭宗乾寧四

年丁巳立後梁太祖乾化二年壬申薨在位十六年

壽二十八謚孝昭

神德王諱景暉姓朴氏阿達羅之遠孫

伐休王本紀云阿達羅王

無嗣神德王本紀作遠孫可怪

父大阿喰又無後梁太祖乾化三年

壬申孝恭王薨無嗣國人立以為王末帝貞明三年

丁丑薨在位六年謚神德

景明王諱昇英

文獻通考作金朴英

神德王太子後梁末帝貞

明三年丁丑立後唐莊宗同光二年甲申薨在位八年謚景明

景哀王諱魏膺景明王母弟後唐莊宗同光二年甲申立明宗天成二年丁亥為甄萱所弑在位四年謚景哀

敬順王諱傳姓金氏文聖王之裔孫父伊飡孝宗後唐明宗天成二年丁亥為甄萱所立潞王清泰二年乙未降于高麗在位九年新羅亡

右新羅五十六世

朴氏十王○普氏八王○金氏三十八王

共九百九

十二年

起甲子盡乙未

高勾麗始祖姓高氏自謂高平氏之後姓高氏一說

氏諱朱蒙一作鄒牟一作象漢元帝建昭二年甲申

避難至卒本扶餘立國為王號高勾麗成帝鴻嘉二

年壬寅薨在位十九年壽四十號東明聖王

琉璃王諱類利一作留東明王太子漢成帝鴻嘉二年

壬寅立新莽天鳳五年戊寅薨在位三十七年號琉

璃明王

大武王諱無恤琉璃王第三子立為太子新莽天鳳五年

戊寅立漢光武建武二十年甲辰薨在位二十七年

壽四十一號大武神王

閔中王諱解邑朱大武王弟漢光武建武二十年甲辰立二十四年戊申薨在位五年號閔中王

慕本王諱解憂

一作解憂

大武王元子漢光武二十四年

戊申立二十九年癸丑為杜魯所弑在位六年號慕本王

太祖王諱宮疏瑤王之孫父古鄒加再思漢光武建武二十九年癸丑立質帝本初元年丙戌禪位于次大王桓帝延熹八年乙巳薨在位九十四年壽百十九歲號太祖王

次大王諱遂成太祖王母弟漢質帝本初元年丙戌

受禪桓帝迄熹八年乙巳為明臨荅夫所弑在位二十年壽九十五號次大王

新大王諱伯固

一作伯句

次大王弟漢桓帝迄熹八年乙

巳立靈帝光和二年己未薨在位十五年壽九十一

號新大王

故國川

或作國衰

王諱男武

三國史作伊夷模後漢書作伊夷模

新大王弟

二子漢靈帝光和二年己未立獻帝建安二年丁丑薨在位十九年號故國川王

山上王諱迺優

一名位官

故國川王弟漢獻帝建安二年

丁丑立後主建興五年丁未薨在位三十一年號山

上王

東川

或作東襄

王諱憂位居

小名郊鼠

山上王太子漢後主建

興五年丁未立迄熙十一年戊辰薨在位二十二年

壽四十號東川王

中川

或作中壤

王諱然弗東川王太子漢後主迄熙十一

年戊辰立晉武帝泰始六年庚寅薨在位二十三年

壽四十七號中川王

西川

或作西壤

王諱蘄廬

一作若友

中川王第子

封為太子

晉武

帝泰始六年庚寅立惠帝元康二年壬子薨在位二

十三年號西川王

烽上

或作雉葛

王諱相夫

或作夫婁

西川王太子晉惠帝元

康二年壬子立永康元年庚申為倉助利所廢尋自

殺在位九年號烽上王

美川

或作好壤

王諱乙弗

或作憂弗

西川王之孫父古鄒加咄

固晉惠帝永康元年庚申立成帝咸和六年辛卯薨

在位三十二年號美川王

故國原

或作國置上王

王諱斯由改釗美川王太子晉成帝

咸和六年辛卯立簡文帝咸安元年辛未為百濟兵

所殺在位四十一年號故國原王

小獸林

或作小解朱留

王諱丘夫故國原王太子晉簡文帝

咸安元年辛未立孝武帝太元九年甲申薨在位十

四年弼小歟林王

故國壤王諱伊連

或作於只支

小歟林王弟晉孝武帝太

元九年甲申立十七年壬辰薨在位九年弼故國壤

王

廣開土王諱談德故國壤王太子晉孝武帝太元十

七年壬辰立安帝義熙九年癸丑薨在位二十二年

弼廣開土王

長壽王諱巨連

或作巨連晉書作璉

廣開土王太子晉安帝義

熙九年癸丑立齊武帝永明九年辛未薨在位七十

九年壽九十八號長壽王元魏贈謚曰康

文咨

或作明
治好王

王諱羅雲

北史
作雲

長壽王太孫父古鄒大

加助多齊武帝永明九年辛未立梁武帝天監十八
年己亥薨在位二十九年號文咨明王

安藏王諱興安

梁書
作安

文咨王太子梁武帝天監十八

年己亥立中大通三年辛亥薨在位十三年號安藏
王

安原王諱寶逵

梁書
作逵

安藏王弟梁武帝中大通三年

辛亥立大同十一年乙丑薨在位十五年號安原王

陽原

或作陽
崗上好

王諱平成

梁書
作成

安原王太子梁武帝大

同十一年乙丑立陳武帝永定三年己卯薨在位十

五年弼陽原王

平原

或作平崗上好

王諱陽成

隋唐書並注

陽原王太子陳武帝

永定三年己卯立隋文帝開皇十年庚戌薨在位三

十二年弼平原王

嬰陽

或注平陽

王諱元

或注大元

平原王太子隋文帝開皇十

年庚戌立恭帝侑義寧二年戊寅薨在位二十九年

弼嬰陽王

榮留王諱建武

或注建成唐書注武

嬰陽王母弟隋恭帝侑義

寧十年戊寅立唐太宗貞觀十六年壬寅為盡籙文

所弑在位二十五年號柴留王

寶藏王諱臧

或住寶藏

平原王之孫父大陽唐太宗貞觀

十六年壬寅立高宗總章元年戊辰為唐所滅在位

二十七年永淳元年卒于唐詔贈衛尉卿高勾麗亡

右高勾麗二十八世共七百五年

起甲申盡戊辰

百濟始祖姓扶餘氏

以系出扶餘因以為氏

諱溫祚父高勾麗

始祖高朱蒙

或云此扶餘王解夫婁底孫優台

漢成帝鴻嘉三年避

琉璃王南奔至河南慰禮城都焉國號十濟

以十臣為輔也

尋改百濟

以百姓樂從也

光武建武四年戊子薨在位四十

六年

多婁王溫祚太子漢光武建武四年戊子立章帝建
初二年丁丑薨在位五十年

己婁王多婁太子漢章帝建初二年丁丑立順帝永
建三年戊辰薨在位五十二年

蓋婁王己婁子漢順帝永建三年戊辰立桓帝延熹
九年丙午薨在位三十九年

肖古或住
素古王蓋婁長子漢桓帝延熹九年丙午立獻
帝建安十九年甲午薨在位四十九年

仇首或作
貴湏王肖古元子漢獻帝建安十九年甲午立

後主建興十二年甲寅薨在位二十一年

沙佻王仇首長子漢浚主建興十二年甲寅立幼少
不慧國人更立古爾王

古爾王肖古弟漢浚主建興十二年甲寅立晉武帝
太康七年丙午薨在位五十三年

責稽

或作青稽

王古爾子晉武帝太康七年丙午立惠帝

元康八年戊午為貊人所害在位十三年

汾西王責稽長子晉惠帝元康八年戊午立永興元
年甲子為樂浪刺客所害在位七年

比流王沙佻弟晉惠帝永興元年甲子立康帝建元
二年甲辰薨在四十一年

契王汾西長子晉康帝建元二年甲辰立穆帝永和
二年丙午薨在位三年

近肖古王比流第二子晉穆帝永和二年丙午立孝
武帝寧康三年乙亥薨在位三十年

近仇首

一作
諱頊

王近肖古太子晉孝武帝寧康三年乙

亥立太元九年甲申薨在位十年

枕流王近仇首元子晉孝武帝太元九年甲申立十
年乙酉薨在位二年

辰斯王枕流弟晉孝武帝太元十年乙酉立十七年
壬辰薨在位八年

阿莘一作阿幸王枕流太子晉孝武帝太元十七年

壬辰立安帝義熙元年乙巳薨在位十四年王薨太子

質恭倭王仲芳訓解撰政以待太子季弟殊
禮殺訓解自立國入政殺磔禮近腆支即位

腆支或作直支宋書諱暎王阿莘太子晉安帝義熙元

年乙巳立宋武帝永初元年庚申薨在位十六年

久爾辛一作久彌辛王腆支長子宋武帝永初元年庚申

立文帝元嘉四年丁卯薨在位八年

毗有王久爾辛長子一作腆支庶子宋文帝元嘉四年丁卯

立孝武帝孝建二年乙未薨在位二十九年

蓋鹵或作近蓋婁王毗有長子宋孝武帝孝建二

年乙未立主昱元徽三年乙卯為高句麗所殺在位

二十一年

文周

一作汶洲

王蓋鹵子宋主昱元徽三年乙卯立五年

丁巳為鮮仇所弒在位三年

三斤

或作主乞

王文周太子宋主昱元徽五年丁巳立齊

高帝建元元年己未薨在位三年壽十三

東城王

諱牟大或作摩牟

蓋鹵之孫父佐平昆支齊高帝建

元元年己未立主寶卷永元三年辛巳為苻加所弒

在位二十三年號東城

武寧王

諱斯摩一住餘隄

東城次子齊主寶卷永元三年辛

已立梁武帝普通四年癸卯薨在位二十三年謚武
寧

聖王諱明禮梁書作明武寧子梁武帝普通四年癸卯立孝

元帝承聖三年甲戌為新羅兵所害在位三十二年
謚聖改國號南扶餘

威德王諱昌隋書作餘昌聖王太子梁孝元帝承聖三年甲

戌立隋文帝開皇十八年戊午薨在位四十五年謚

威德

惠王諱季明威德次子隋文帝開皇十八年戊午立十

九年己未薨在位二年謚惠

法王

諱宣或作孝順

惠王長子隋文帝開皇十九年己未立

二十年庚申薨在位二年謚法

武王

諱璋隋書作餘璋

法王子隋文帝開皇二十年庚申立

唐太宗貞觀十五年辛丑薨在位四十二年謚武

義慈王

諱義慈

武王太子唐太宗貞觀十五年辛丑立

高宗顯慶五年庚申為唐所滅在位二十年同年卒

詔贈衛尉卿百濟亡

右百濟三十一世共六百七十八年

起癸卯盡庚申

高麗太祖神聖王姓王氏諱建松岳郡人祖追謚懿

祖作帝建父追謚世祖隆王仕弓裔位至將相浚梁

末帝貞明四年戊寅諸將推戴為王國弼高麗都鐵

圖

今鐵原

旋移松岳

今開城府

後晉出帝天福癸卯薨在位

二十六年壽六十七廟號太祖謚神聖穆宗五年加

謚元明顯宗五年加謚光烈十八年加謚大定文宗

十年加謚章孝仁宗十八年加謚仁勇高宗四十年

加謚勇烈

惠宗義恭王諱武太祖太子後晉出帝天福癸卯立

開運二年乙巳薨在位二年壽三十四廟號惠宗謚

義恭

定宗文明王諱堯太祖第二子後晉出帝開運二年

乙亥立後漢隱帝乾祐二年己酉禪位于光宗尋薨
在位四年壽二十七廟號定宗謚文明穆宗五年加
謚章敬顯宗五年加謚正肅十八年加謚令仁文宗
十年加謚簡敬高宗四十年加謚莊元

光宗大成王諱昭太祖第三子後漢隱帝乾祐二年
己酉受禪宋太祖開寶八年乙亥薨在位二十六年
壽五十一廟號光宗謚大成穆宗五年加謚宣烈顯
宗五年加謚平世十八年加謚肅憲文宗十年加謚
懿孝高宗四十年加謚康惠

景宗獻和王諱由光宗太子朱太祖開寶八年乙亥

立太宗太平興國六年辛巳禪位于成宗尋薨在位
六年壽二十七廟號景宗謚獻和穆宗五年加謚成
穆顯宗五年加謚明惠十八年加謚順熙文宗十年
加謚靖孝高宗四十年加謚恭懿

成宗文懿王諱治太祖之孫父追謚戴宗旭初封開
寧君宋太祖太平興國六年辛巳受禪至道三年丁
酉禪位于穆宗尋薨在位十六年壽三十八廟號成
宗謚文懿穆宗五年加謚康威顯宗五年加謚章憲
十八年加謚光孝文宗十年加謚獻明高宗四十年
加謚襄之

穆宗宣讓王諱誦景宗長子初封開寧君宋太宗至道三年丁酉受禪真宗大中祥符二年己酉為康兆所廢封讓國公尋被弑在位十二年壽三十初號愍宗謚宣靈顯宗三年改號穆宗謚宣讓五年加謚孝惠十八年加謚威惠文宗十年加謚克英高宗四十年加謚靖恭

顯宗元文王諱詢太祖之孫父追謚安宗郁初封大良君宋真宗大中祥符二年己酉立仁宗天聖九年辛未薨在位二十二年壽四十廟號顯宗謚元文文宗十年加謚大孝仁宗十八年加謚德威高宗四十

年加謚達思

德宗敬康王諱欽顯宗太子宋仁宗天聖九年辛未
立景祐元年甲戌禪位于靖宗尋薨在位三年壽十
九廟號德宗謚敬康文宗十年加謚宣孝仁宗十八
年加謚剛明高宗四十年加謚光莊

靖宗睿惠王諱亨德宗母弟初封平壤君宋仁宗景
祐元年甲戌受禪慶曆六年丙戌禪位于文宗尋薨
在位十二年壽二十九廟號靖宗謚睿惠文宗十年
加謚弘孝仁宗十八年加謚英烈高宗四十年加謚
文敬

文宗仁孝王初諱緒改徽顯宗第三子初封樂浪君
宋仁宗慶曆六年丙戌受禪神宗元豐七年癸亥禪
位順宗尋薨在位三十七年壽六十五廟號文宗謚
仁孝仁宗十八年加謚剛正高宗四十年加謚明戴
順宗宣惠王初諱然改勲文宗太子宋神宗元豐七
年癸亥立同年薨在位四月壽三十七廟號順宗謚
宣惠仁宗十八年加謚英明高宗四十年加謚靖憲
宣宗思孝王初諱蒸改祈又改運順宗母弟初封國
原公宋神宗元豐七年癸亥立哲宗紹聖元年甲戌
薨在位十一年壽四十六廟號宣宗謚思孝仁宗十

八年加謚寬仁高宗四十年加謚顯順

獻宗恭瑤王諱昱宣宗元子宋哲宗紹聖元年甲戌立二年乙亥禪位于肅宗丁丑薨在位一年壽十四初謚懷殤睿宗卽位上廟號獻宗改謚恭瑤高宗四十年加謚定化

肅宗明孝王初諱熙避遼末帝嫌名改顯宣宗母弟初封鷄林公宋哲宗紹聖二年乙亥受禪徽宗崇寧四年乙酉薨在位十年壽五十二廟號肅宗謚明孝仁宗十八年加謚文惠高宗四十年加謚康心

睿宗文孝王諱俱肅宗太子宋徽宗崇寧四年乙酉

立宣和四年壬寅薨在位十七年壽四十四廟號睿
宗謚文孝仁宗十八年加謚明烈高宗四十年加謚
齊順

仁宗恭孝王初諱構避宋高宗諱改楷睿宗太子宋
徽宗宣和四年壬寅立高宗紹興十六年丙寅禪位
于毅宗尋薨在位二十四年壽三十八廟號仁宗謚
恭孝高宗四十年加謚克安

毅宗莊孝王初諱徹改暉仁宗太子宗高宗紹興十
六年丙寅受禪孝宗乾道六年庚寅為鄭仲夫所廢
癸巳被弑在位二十四年壽四十七廟號毅宗謚莊

孝高宗四十年加謚剛果

明宗光孝王初諱昕改皓毅宗母弟初封翼陽公宋
孝宗乾道六年庚寅立寧宗慶元三年丁巳為崔忠
獻所廢壬戌薨在位二十七年壽七十二廟號明宗
謚光孝高宗四十年加謚皇明

神宗靖孝王初諱旼避金太祖名改晫明宗母弟初
封平涼公宋寧宗慶元三年丁巳立嘉泰四年甲子
禪位于熙宗尋薨在位七年壽六十一廟號神宗謚
靖孝高宗四十年加謚敬恭

熙宗成孝王初諱亶改懿神宗太子宋寧宗嘉泰四

年甲子受禪嘉定四年辛未為崔忠獻所廢丁酉薨
在位七年壽五十七廟號貞宗後改熙宗謚成孝高
宗四十年加謚仁穆

康宗元孝王初諱貞改稷明宗長子初封太子熙宗
己巳改封漢南公宋寧宗嘉定四年辛未立六年癸
酉禪位于高宗尋薨在位二年壽六十二廟號康宗
謚元孝高宗四十年加謚明憲

高宗安孝王初諱瞋改睦又改暉康宗太子宋寧宗
嘉定六年癸酉禪位理宗開慶元年己未薨在位四
十六年壽六十八廟號高宗謚安孝元贈謚忠憲

元宗順孝王初諱僊改禎高宗太子宋理宗景定元年庚申立度宗咸淳十年甲戌薨在位十五年壽五十六廟號元宗謚順孝元贈謚忠敬

忠烈王初諱曙改諱又改昨元宗太子宋度宗咸淳十年甲戌立元成宗大德二年戊戌詔王傳位于世子諒封王為逸壽王同年又詔王復位武宗至大元年戊申薨在位三十四年壽七十二元贈謚忠烈恭愍王六年加謚景孝

忠宣王初諱諒改璋蒙古諱益智普化忠烈王世子元成宗大德二年戊戌以元帝命受禪同年王復

位武宗至大元年戊申復嗣位仁宗皇慶二年癸丑
禪位于忠肅王後八年庚申元流王子吐蕃癸亥放
還大都乙丑薨于元在位五年壽五十一元贈謚忠
宣

忠肅王初諱燾後以夢改諱

卽古萬字

蒙古諱阿剌訥

忒失里忠宣王第二子初封江陵大君元仁宗皇慶
二年癸丑受禪文宗至順元年庚午傳位于世子禎
三年壬申復以元帝命復位順帝至元五年己卯薨
在位前十七年後八年合二十五年壽四十六忠惠
王後五年元贈謚忠肅恭愍王六年加謚懿孝

忠惠王諱禎蒙古諱普塔失里忠甫王世子元文宗
至順元年庚午受禪三年壬申前王復位順帝至元
五年己卯復嗣位至正三年癸未元流王于揭陽甲
申未至配道薨于岳陽在位前一年後四年合五年
壽三十恭愍王六年謚獻孝十六年元贈謚忠惠

忠穆王諱昕蒙古諱八思麻朶兒只忠惠王長子元
順帝至正五年乙酉立八年戊子薨在位四年壽十
二恭愍王六年諱顯孝十六年元贈謚忠穆

忠定王諱眡蒙古諱迷思監朶兒只忠穆王庶弟初
封慶昌府院君元順帝至正九年己丑立十一年辛

卯元廢王壬辰遇酖薨在位三年壽十五恭愍王十六年元贈謚忠定

恭愍王初諱祺改額蒙古諱伯顏帖木兒忠惠王母笏初封江陵大君元順帝至正十一年辛卯立大明太祖洪武七年甲寅為洪倫等所弑在位二十三年壽四十五謚仁文義武勇智明烈敬孝辛禍十一年明贈謚恭愍無嗣辛曉子禍冒稱恭愍子甲寅嗣位洪武二十一年戊辰以恭愍王妃安氏命廢放立其子昌翌年己巳又廢昌並禍誅之

恭讓王諱瑤神宗之七世孫父定原府院君白

有金邊

王初封定昌府院君大明太祖洪武二十二年己巳
以恭愍王妃安氏命嗣位二十五年壬申遜于原州
降封恭讓君後二年甲戌薨在位四年壽五十後二
十二年我太宗丙申復改號恭讓王

右高麗三十二世

禍昌父子不
八次中

共四百七十五年

起戊寅盡壬申禍
昌歷年並入此中

本祖太祖康獻至仁啓運聖文神武正義光德大王
姓李氏系出全州仕高麗官至門下侍中大明太祖
洪武二十五年壬申高麗侍中裴克廉等見高麗政
亂倡義推戴遂登寶位追尊四王改國號朝鮮都漢

陽

楊州
屬縣

三十一年戊寅傳位于定宗定宗庚辰上尊

號啓運神武太宗八年戊子昇遐在位七年在王
位十年春秋七十四廟號太祖皇朝賜謚康獻肅宗
九年癸亥加上謚正義光德

定宗恭靖懿文莊武溫仁順孝大王太祖第二子初
封永安君太祖七年戊寅冊封王世子尋受禪二年

庚辰傳位于太宗上尊號仁文恭睿

以有疊字
不載御諱

世宗

元年己亥昇遐在位二年在王位十九年春秋六
十三皇朝賜謚恭靖肅宗七年辛酉追上廟號定宗
加上謚懿文莊武

太宗恭定聖德神功文武睿哲成烈光孝大王太祖
第五子初封靖安君定宗二年庚辰冊封王世子尋
受禪十八年戊戌傳位于世宗上尊號聖德神功世
宗四年壬寅昇遐在位十八年在上王位四年春秋
五十六廟號太宗皇朝賜謚恭定燕山君二年丙辰
定世室肅宗九年癸亥加上謚睿哲成烈

世宗莊憲英文睿武仁聖明孝大王太宗第三子初
封忠寧君後進封大君太宗十八年戊戌冊封王世
子尋受禪三十二年庚午昇遐在位三十二年春秋
五十四廟號世宗皇朝賜謚莊憲定世室

年系
未改

文宗恭順欽明仁肅光文聖孝大王世宗第一子冊封王世子世宗三十二年庚午即位二年壬申昇遐在位二年春秋三十九廟號文宗皇朝賜謚恭順

端宗恭懿溫文純定安莊景順敦孝大王文宗元子初封王世孫後改冊王世子文宗二年壬申即位三年乙亥禪位于世祖尊為恭懿溫文太上王世祖二年丁丑遜于外降封魯山君同年昇遐在位三年在上王位二年春秋十七肅宗七年辛未追封大君二十四年戊寅追復位廟號端宗

世祖惠莊承天體道烈文英武至德隆切聖神明睿

欽肅仁孝大王世宗第二子初封晉平大君後改咸
平又改晉陽又改首陽端宗三年乙亥受禪二年丁
丑上尊號承天體道烈文英武十三年戊子傳位于
睿宗翌日昇遐在位十三年春秋五十二廟號世祖
皇朝賜謚惠莊明宗二年丁未定世室、

德宗懷簡宣肅恭顯溫文懿敬大王世祖第一子初
封桃源君世祖乙亥冊封王世子二年丁丑昇遐于
東宮春秋二十謚懿敬成宗二年辛卯追尊為王廟
號德宗上尊號溫文七年丙申加上尊號宣肅恭顯
皇朝賜謚懷簡

睿宗襄悼欽文聖武懿仁昭孝大王世祖第二子初
封海陽大君後冊封王世子世祖十三年戊子受禪
元年己丑昇遐在位一年春秋二十廟號睿宗皇朝
賜謚襄悼

成宗康靖仁文憲武欽聖恭孝大王德宗第一子初
封者山君後改者乙山睿宗元年己丑睿宗昇遐無
嗣奉世祖王妃尹氏命八承大統二十五年甲寅昇
遐在位二十五年春秋三十八廟號成宗皇朝賜謚
康靖仁祖十三年乙亥定世室世子惟嗣位十二年
荒淫無道丙寅廢封燕山君奉中宗卽位

中宗恭僖徽文昭武欽仁誠孝大王成宗元子初封
晉城大君燕山君丙寅奉成宗王妃尹氏命八承大
統三十九年甲辰昇遐在位三十九年春秋五十七
廟號中宗皇朝賜謚恭僖孝宗二年辛卯定世室
仁宗榮靖獻文懿武章肅欽孝大王中宗第一子丹
封王世子中宗三十九年甲辰卽位元年乙巳昇遐
在位八月春秋三十一廟號仁宗皇朝賜謚榮靖
明宗恭憲獻毅昭文光肅敬孝大王中宗第二子初
封慶原大君仁宗元年乙巳以仁宗遺命八承大統
二十二年丁卯昇遐在位二十二年春秋三十四廟

號明宗皇朝賜謚恭憲

宣祖昭敬正倫立極盛德洪烈至誠大義格天熙運
顯文毅武聖睿達孝大王中宗王子德興大院君諱
茅三子初封河城君明宗二十二年丁卯以明宗遺
命八承大統二十三年庚寅上尊號正倫立極盛德
洪烈三十七年甲辰加上尊號至誠大義格天熙運
四十一年戊申昇遐在位四十一年春秋五十七廟
號宣宗皇朝賜謚昭敬光海君八年丙辰改廟號宣
祖肅宗二年丙辰定世室世子瑱嗣位十五年昏亂
無度數滅倫紀癸亥廢封光海君奉仁祖卽位

元宗恭良敬德仁憲靖穆章孝大王宣祖第五子初封定遠君光海君十一年己未昇遐于潛邸春秋四十仁祖即位封宗為大院君十年壬申追尊為王廟號元宗皇朝賜謚恭良

仁祖憲文烈武明肅純孝大王元宗第1子初封綾陽都正尋陞君光海君癸亥奉宣祖王妃金氏命入承大統二十七年己丑昇遐在位二十七年春秋五十五廟號仁祖肅宗九年癸亥定世室

孝宗宣文章武神聖顯仁明義正德大王仁祖第2子初封鳳林大君後丹封王世子仁祖二十七年己

丑即位十年己亥昇遐在位十年春秋四十一廟號
孝宗肅宗九年癸亥定世室英宗十六年庚申加上
謚明義正德

顯宗昭休衍慶敦德綏成純文肅武敬仁彰孝大王
孝宗元子初封王世孫後進封王世子孝宗十年己
亥即位十五年甲寅昇遐在位十五年春秋三十四
廟號顯宗英宗四十八年壬辰定世室追上尊號昭
休衍慶敦德綏成

肅宗顯義光倫睿聖英烈裕謨永運洪仁峻德配天
合道啓休篤慶章文憲武敬明元孝大王顯宗元子

冊封王世子顯宗十五年甲寅卽位三十九年癸巳
上尊號顯義光倫睿聖英烈四十六年庚子昇遐在
位四十六年春秋六十廟號肅宗英宗五年己酉定
世室二十九年癸酉追上尊號裕謨永運洪仁峻德
五十二年丙申加上尊號配天合道啓休篤慶

景宗德文翼武純仁宣孝大王肅宗第一子冊封王
世子肅宗四十六年庚子卽位四年甲辰昇遐在位
四年春秋三十七廟號景宗

英宗至行純德英謨毅烈章義弘倫光仁敦禧體天
建極聖功神化大威廣運開泰基永堯明舜哲乾健

坤寧配命垂統景曆洪休翼文宣武熙敬顯孝大王
肅宗第二子初封延初君景宗元年辛丑冊封王世
第四年甲辰卽位十六年庚申上尊號至行純德英
謨毅烈二十八年壬申加上尊號章義弘倫光仁敦
禧三十二年丙子加上尊號體天建極聖切神化四
十八年壬辰加上尊號大成廣運開泰基永五十二
年丙申加上尊號堯明舜哲乾健坤寧同年昇遐在
位五十二年春秋八十三廟號英宗今上六年壬寅
定世室八年甲辰加上謚配命垂統景曆洪休

真宗溫良睿明哲文孝章大王英宗第一子初封敬

義君英宗元年乙巳冊封王世子四年戊申薨于
東宮春秋十謚孝章五十二年丙申賜謚承統世子

今上卽位因遺教追尊為王廟號真宗
主上殿下萬萬歲

東國文獻備考卷之六十九

東國文獻備考卷之七十

校正

王系考 二

太上王

勝國以上封崇儀郎史無明文故只錄上王傳祥

新羅真聖女主十一年主謂左右曰近年百姓困窮盜賊蜂起此孤之不德也避賢讓位吾意決矣於是

禪位于太子

孝恭王

遣使如唐奏曰居羲仲之官非臣

素分守逆陵之節是臣良圖臣姪曉年將志學器可

興宗不假外求爰從內舉以俾權藩寄用靖國災

高句麗太祖王九十四年王謂弟遂成

次大

曰吾老

倦萬機天之曆數在汝躬況汝內叅國政外總軍事
久有社稷之功允塞臣民之望吾付托得人乃禪位
退老於別宮稱爲太祖大王

高麗定宗四年王疾篤傳位于母弟昭

光宗

景宗六年王疾彌留召堂弟開寧君治

成宗

內禪遺詔

略曰寡人承四朝之餘烈受三韓之霸圖獲保山川
土田務安宗廟社稷日慎一日首尾七年因此勤勞
遂成疾疹冀怡神於釋負將傳聖以紓憂正胤開寧
君治國之親賢予所友愛必能奉祖宗之大業保國
家之昌基咨爾公卿宰臣其敬保我介弟永綏我大

邦成宗十六年王疾大漸傳位于姪開寧君誦穆宗

德宗三年王寢疾傳位于弟平壤公亨靖宗

靖宗十二年王疾彌留傳位于弟樂浪君徽文宗

文宗三十七年王疾篤傳位于太子勲順宗

獻宗元年禪位于叔父鷄林公熙肅宗制曰朕承先考

遺業謬即大位年當幼冲軀亦病羸不能撫邦國之

權塞士民之望陰謀橫議交起於權門逆賊亂臣屢

干于內寢斯皆涼德所致常念為君之難竊見大叔

鷄林公曆數在躬神人假手咨爾有衆奉纂丕圖朕

當退居後宮獲全殘命乃命近臣金德白有金等迎

鷄林公熙于宗邸即位

李齊賢曰禹之傳子為慮後世植遺腹朝委裘而天下不動者分素定也顯之三子兄弟相傳以及於順順以居喪過哀夭折無嗣而傳於宣宣薨而太子嗣是謂獻宗國人習熟見聞乃謂宣有五弟而立孺子以是歸非何不思之甚也唯不得周公於親傳陸於臣委任而輔政其危且亂可翹足而待也後世有不幸而遺大投艱于襁褓之中者可以此為誡哉

仁宗十六年王疾大漸傳位于太子暉

毅制曰神器

大寶不可暫虛太子視處震之長重焉之明元良之
德格于上下自今已往凡軍國事務並取副君處斷
神宗七年王不豫傳位于太子惠熙宗詔曰朕以涼德
謬襲丕基年即衰耗病且彌留不敢聽政眷爾元子
學就光明德孚民望肆以大寶用付于爾於是崔忠
獻白太子曰君父之命不宜固辭乃引太子入康安
殿進御服北面再拜因奉出大觀殿受文武百官朝
賀王扶起謂忠獻曰今日朕之志願已畢病亦隨愈
卿於朕之父子功德不淺無以為報遂泣下忠獻再
拜而出王謂承宣及重房等曰今日以後不復見卿

等矣宜各善輔嗣君以臻至理間者莫不流涕王移
御德陽侯邸遂薨

康宗二年王不豫傳位于太子暕

高宗

詔曰朕以不類

叨承大寶于今數載德薄負重疾漸惟幾粵惟天位
不可暫虛太子暕德足以升聞于上明足以丕冒于
下乃命以位凡爾百僚各執爾事以聽嗣王

忠烈王二十四年元遣咸寧侯王維詔王傳位於世

子諒

忠宣王

詔曰通者高麗國王王昨表陳春秋方耄

憂恙交攻慮庶務之煩勞期息肩於重負乞令世子
諒襲爵朕以王世守東土垂三十年累效忠勤勲伐

茂著矜其誠懇特賜愈允授世子開府儀同三司征
東行中書省左丞相駙馬上柱國高麗國王加授王
推忠宣力定遠保節功臣開府儀同三司大尉駙馬
上柱國遼壽王以示優崇之意國有重務尚湏訓勵
聿至于成王遂駕幸康安殿傳位仍退居張舜龍家
號為德慈宮嗣王率百官詣德慈宮奉牋上尊號曰
光文宣德太上王王衣紫袍太上王衣黃袍同受賀
時稱三韓盛事

同年元遣李魯元等東來趣國王公主入朝王與公
主將如元上王餞于金郊酒酣李魯元以帝命取國

王印授逸壽王逸壽王幸壽寧宮受詔詔曰諭前高麗國王王眭曩以卿表請授位于世子諒往嗣王爵國事仍命聽卿訓導令聞莅政以來頗涉專擅處決失宜衆心疑懼蓋以年未及壯少所經練故未能副朕親任之意今遣使詔卿依前統理國政

忠宣王五年王以長子江陵大君燾

忠肅王

見于帝請

傳位帝丹為金熙光祿大夫征東行中書省左丞相上柱國高麗國王是時元欲王歸國王無以為辭乃遜其位

忠肅王十七年遣金之鏡請傳位世子時世子在元

元命典瑞院使阿魯委頭曼台大史九住策世子禎

忠惠王

開府儀同三司征東行中書令左丞相上柱國

高麗國王遂遣客省副使七十堅來取國王印授世子

渡

二年

元復命

忠肅王復位

本朝太祖七年寢疾傳位于世子

定宗大王

其教書曰予

以否德承祖宗之蔭奉天子之靈肇造邦家撫有臣

庶于今七年乃緣久於軍旅蒙犯霜露迨今年衰疾

作難於霄旰庶務叢劇恐多遺失惟爾王世子某身

居嫡長夙著仁孝且當開國之初賢豪弘多一國臣

民咸共知之肆於洪武三十一年九月初五日告于

宗廟乃命以位爾其率由典章親君子遠小人視聽
無一己之倫好惡公國人之論無敢或荒無敢或怠
永綏厥位以昌後嗣於戲爾父薄德雖不足效先聖
之道布在方冊夙興夜寐爾尚敬哉

撰進臣姓名不
傳○太祖親授

教書世子
受納懷中

定宗二年建太上官府官曰德壽府曰承寧

置判事
尹小尹

判官丞主簿等官
班次三司之下

同年太上王尊號玉冊文曰應千齡而作之君肇開
景運以一國而傳之子宜極尊稱茲率典章庶伸誠
孝恭惟太上王殿下勇智天錫聖敬日躋武烈偉於

濟時寬仁溥於育物斯迫輿情之推戴以建王業之
興隆方百度之維新遽萬機之是倦庸釋大位傳付
眇躬遂黽勉以恭承每祗勤而惕勵欲彰盛德之至
惟在徽號之崇率籲臣僚舉行冊禮臣諱不勝大願
謹奉冊寶上尊號曰啓運神武伏惟太上王殿下廓
包容之度推覆育之慈軀一大之曰天勿嫌強名之
道莅萬姓而為父永亨多壽之期

權近撰

同年十一月傳位于世子

時太祖在上王位故冊太宗亦封世子

其教

書曰恭惟祖宗仁厚積德以集景命逮我啓運

實錄無啓

運二字

神武太上王之肇興也王世子某明炳幾先灼

知天命首倡大義以建鴻業則我朝鮮之開國惟爾
功寔多故當初建儲之議物望咸啟於爾不期權姦
貪立幼孽將傾社稷天誘其衷建策戡定以安宗社
則我朝鮮之再造亦惟爾切是賴國於爾時已為其
有乃執冲謙申啓太上謂予不穀居嫡之長俾命以
位予辭不獲黽勉即政于茲三年天意未允人心未
孚旱蝗為災妖孽沴至是皆寡昧非德之致慄慄危
懼俯仰有忤矧予素纏風疾眩於萬幾勞神應務恐
致彌留思釋重負以付有德庶可以上答天心下慰
輿意咨爾王世子稟剛明之德挺勇智之姿仁義秉

於生知孝悌本乎至性學問精於義理英謀合於義
通固睿哲之離倫乃謙恭之彌謹早以濟立安民之
量克成撥亂反正之切謳歌之所歸宗社之所賴惟
賢惟德宜承大統予遜王位俾傳於爾予將退就私
邸優游怡養以保期頤於戲天人之情必附於有德
宗社之統當傳於至親故世及以相傳實古今之通
義爾其益虔于德夙夜祇懼敬天勤民俾萬世無斁
權近判三軍事李茂奉教書都承旨朴錫命奉國寶
撰進詣仁壽宮世子涕泣不受上復申諭世子黽勉承命
遂尊上為上王上尊號曰仁文恭睿府曰恭安中宮

府曰仁寧

同年上王上尊號丹文曰德敦親愛式著克讓之光
禮合尊崇益虔強名之道茲遵彝典庸獻徽稱恭惟
性稟溫文心全孝友承太上而即政克綏厥猷保小
子而盡仁乃命以位顧忝傳歸之緒惟懷報謝之悰
謹上尊號曰仁文恭睿上王伏願殿下樂道優游凝

神怡養俯諒由衷之願永膺多祉之祺

撰進臣姓名不傳

太宗十八年八月呂知申事李明德曰予在位今已
十九年矣夙夜祗懼不敢荒寧未能上答天意屢致
災變且有宿疾近來尤劇欲傳位世子

世宗明德等力

陳不可上不聽御報平殿令內臣趣召世子即以大寶授之移御別宮世子隨至奉大寶親詣內庭固辭至夜上不允遂即位于景福宮尊上為聖德神功上王

同年上王上尊號王冊文曰聖神之妙雖絕名言臣子之情必崇徽號茲舉彝憲用伸孝思恭惟上王殿下高明配天博厚齊地扶祖聖而啓運尊嫡長而守成德冠百王享舜文之所性功高萬代與湯武而同符敦敬天愛民之誠盡事大交隣之道惟至仁之浹洽致斯世於隆平念襲重艱實深祗懼欲昭盛美當

極尊稱爰率臣僚式陳丹禮臣某不勝大願謹奉丹
寶上尊號曰聖德神功伏惟上王殿下特留睿鑑以
徇卑忱俯受鴻名擁純禧之川至茂迎和氣享多壽

於嵩呼

卞季良
撰進

世宗即位上壽于上王

詳見
禮考

二年上王誕辰上率羣臣上壽上王語卞季良曰子
為國王至誠奉養為其父而享之如此者古今所罕
極歡乃罷○嘗幸抱川謂知兵曹事郭存中曰吾付
托得人遨遊山川間無憂者天下唯我一人而已中
國歷代帝王父子之間固不如吾今日也存中等頓

首賀

三年右議政李原等以封崇太上之意啓于上王上
王曰予之讓太上者其意有三一則我太祖為太上
王二則仁德殿未封太上三則德不及矣固請乃許
之上率百官以玉冊金寶尊上王為聖德神功本上
王其玉冊文曰聖德極尊推崇無上神功至大報效
何施唯有徽稱庶昭盛美恭惟上王建開邦之策決
之機愛親敬兄為生民而立極交鄰事大回世道以
底平修祀盡如在之誠發政先無告之類乾坤覆載
動植咸圉於堯仁日月貞明邪正自形於舜智念承

付托常切憂勤雖丹禮之已陳尚臣心之有嫌爰上加尊之號用申歸美之儀謹奉丹寶上尊號曰聖德神功太上王伏惟太上王殿下垂並育之慈擴優容之度曲從輿望俯受七字之鴻名茂迓天休永享萬年之聖壽

卡季良撰進

端宗三年閏六月禪位于首陽大君

世祖潛邸時爵號

為太上王上尊號曰恭懿溫文教臣僚書曰予小子遭家不造幼冲嗣服深居官掖之中內外庶務蒙未有知致先徒煽亂國家多故叔父首陽大君諱奮發忠義左右我躬克清群兇弘濟難艱然先徒未殄復

故相仍屬茲大難非予寡躬所能鎮定宗廟社稷之責實在我叔父叔父先王介弟以德以望有大勲於國家天命人心之所歸也茲釋重負以付畀我叔父嗚呼宗親文武百官大小臣僚其匡輔我叔父以對揚祖宗之休命

金禮蒙撰進

讓位奏文曰臣自童穉得疾氣常不順臣父先臣恭諱於景泰三年薨逝臣年甫十二承襲同知攸為凡百庶務委諸臣寮至景泰四年姦臣謀逆禍機斯迫叔父信臣首陽大君諱奔告於臣旋即戡定然猶凶徒未殄變故相仍人心未安念臣孱姿難以鎮定社

稷安危所係甚重諱先臣母弟學通古今有切有德
允孚輿望已於景泰六年閏六月十一日令權襲軍
國勾當伏望聖鑑洞察特降明允

撫進臣姓
名不傳

世祖元年大明景泰皇帝封典詔曰朕惟封建諸侯
固當謹於國序撫安庶類尤在順乎人心雖一時之
宜亦百王之法朝鮮國王李某早以嫡嗣龍主東藩
自顧孱弱之軀莫弭姦宄之患志存安國身不固榮
推位已遜於宗賢嘉德宜從於懇請茲特封云云

世祖十三年九月王疾大漸以璽傳于世子

睿翌日

昇遐

封崇冊文傳位冊
文並未及舉行

太后

勝國以上封崇儀節使無明文故只錄太后尊崇

新羅真興王元年王立幼少太后

母金氏未嘗冊妃似是法興王妃朴

氏攝政

景德王七年太后

王母昭德王妃金氏已薨似是孝成王妃金氏

移居永明

新宮

惠恭王元年王即位時年八歲王太后滿月夫人金

氏

見后妃攝政

四年唐遣倉部郎中歸崇敬賫書冊王兼冊王母金

氏為大妃

宣德王元年尊母四昭夫人金氏

聖德王女

為貞懿太后

哀莊王六年封母金氏

即桂花夫人
所系見后妃

為王太后同年

唐遣兵部郎中元季方冊王兼冊金氏為大妃

興德王二年唐遣左諭德源寂冊王母朴氏為大妃

景文王六年封母朴氏

神武王女
諱稱朴氏

為光懿王太后

孝恭王二年尊母金氏為義明王太后

敬順王元年尊母金氏

號桂娥太后
憲康王女

為王太后

高句麗始祖十四年王母柳花薨於東扶餘扶餘王

金蛙以太后禮葬之

太祖王元年王立時年七歲太后

扶餘人

垂簾聽政

東川王二年封于氏

所系見
后妃

為王太后

安臧王元年王立年十歲太后姓氏未改臨朝稱制

百濟始祖十三年王母扶餘王女薨王曰妖祥屢見國母

棄養勢不自安遂遷都漢山下

高麗神明順成王太后劉氏忠州人贈太師曰史令

競達之女太祖茅三后後謚神順成太后

神靜王太后皇甫氏黃州人太尉三重大匡忠義公

悌恭之女太祖第四妃初封明福大夫人成宗二年

薨成宗早喪宣懿太后長於后故哀慕盡禮上謚曰

神靜大王太后冊文曰德侔附寶功比姜嫄曾表異

於手文亦炳靈於胎教端逢聖祖始卜好逮膺妙選

於六宮賢昌基於庶政克修婦道爰脩坤儀節儉之
風行乎閨閫箴視之義播在期廷樊姬之不食鮮禽
楚王改過衛女之不聽淫樂齊主知非譙羣情所旋
屬駕枉高山天崩祀國娶居四紀鞠育諸孫名在景
鐘事光彤管顧惟早違閔凶纒當齟齬之年既違慈
母比及幼冲之歲又喪嚴親便歸祖妣之懷中似接
高堂之膝下蓋曰撫養以至長成幸承門蔭之叨叨
獲禪傳之位欲報祖先之德誓輸孫子之誠豈期太
史書氛靈臺告祲松齡未享蘭質俄捐九族茹靡依
之歎衆民含罔極之悲遠日已臻玄宮欲闕啓殯堂

芳殮儀必脩仍泉隧兮窆具將加特命禮官敢徵茂
實考前芳而累行表徽跡以易名謹上謚曰神靜大
王太后穆宗五年加謚定憲顯宗五年加謚懿敬十
八年加謚宣德文宗十年加謚慈景仁宗十八年加
謚柔明高宗四十年加謚貞平

神成王太后金氏新羅人匝干億廉之女太祖第五
妃新羅王金傳遣使請降太祖待以厚禮使歸告曰
今王以國與寡人其為賜大矣願結昏宗室以永甥
舅之好傳報曰我伯父億廉有女德容雙美非是無
以脩內政太祖遂取之顯宗卽位追謚神成王太后

獻哀王太后皇甫氏戴宗之女景宗之妃穆宗即位
丹上尊號曰應天啓聖靜德王太后時穆宗年已十
八太后攝政居千秋殿世號千秋太后與金致陽通
而生子欲以其子嗣王位時顯宗為大良院君太后
忌之強令出家寓居三角山神穴寺穆宗十二年康
兆殺致陽父子流太后親屬于海島又使人弑穆宗
於是太后歸居黃州者二十一年顯宗十二年薨壽
六十六

獻貞太后皇甫氏

淑系見
后妃

景宗次妃顯宗即位追尊

為孝肅王太后

元成太后金氏

派系見
后妃

顯宗第三妃德宗即位追尊

為王太后

元惠太后金氏

派系見
后妃

顯宗第四妃文宗時追尊為

王太后

仁睿順德太后李氏

派系見
后妃

文宗次妃宣宗三年冊

封為太后

思肅太后李氏

派系見
后妃

宣宗妃獻宗嗣位尊為太后

殿號中和置府曰永寧王幼弱不能聽決機務太后

稱制凡軍國大小事咸取決焉獻宗薨有司奏罷殿

府號

明懿太后柳氏

派系見
后妃

肅宗妃睿宗即位尊為王太

后殿曰天和府曰崇明生辰曰至元節太后冊文曰
臣聞冊后之制歷代相曰稱皇太者葵漢之通規以
子貴者春秋之格言凡為後胤合效前修伏惟我聖
母德脩母儀位居坤極神姿淑哲蚤儲沙麓之祥性
蘊貞明獨稟塗山之訓遂令大業永保中興臣叨膺
顧命嗣守宗祧自承鞠育之恩誓奉慈嚴之教雖日
以萬錢之養未能盡於孝誠而尊加三字之封庶永
光於信誼處尋舊典率籲羣情爰撰吉辰用上尊號
臣不勝大願奉玉冊金寶上尊號曰王太后伏願遵

前古之憲章順上天之眷佑俯迴睿鑑誕受嘉稱

文敬太后李氏

派系見
后妃

睿宗次妃仁宗即位追尊為

王太后

恭睿太后任氏

派系見
后妃

仁宗妃毅宗即位尊為王太

后殿曰厚德府曰善慶

光靖太后金氏

派系見
后妃

明宗妃康宗立追尊為太后

冊文曰貴以子春秋之成式謚知行戴禮之格言欲
伸永慕之懷須舉追尊之典恭惟我聖母姿淑偃月
慶洽玄雲妙齡作配於先皇婦道正儀於中饋謂當
眉壽以長生坐膺至理乃乘莽渺而奄棄已積流年

而臣今居莫大之崇高實本難名之鞠育惟殫九州之富而無以致養唯極天下之美而庶幾薦名謹奉玉冊尊為太后謚曰光靖俯納丕稱曲垂陰援

宣靖太后金氏

非系見后妃

神宗妃熙宗立尊為王太后

府弔慶興殿弔長秋俄改府弔為膺慶殿弔為綏福

元德太后柳氏

非系見后妃

康宗妃高宗即位尊為太后

安惠太后柳氏

非系見后妃

高宗妃元宗元年追尊為王

太后

順敬太后金氏

非系見后妃

元宗妃忠烈王即位追尊為

太后

齊國大長公主

后系見
后妃

忠烈王妃忠宣王受禪追尊

為仁明太后

明德太后洪氏

后系見
后妃

忠肅王妃恭愍王卽位尊為

大妃府號文睿又改崇敬二十一年上尊號冊文曰

王化之本莫先於孝人子之職宜顯其親况聖善之

有恩盍封崇之以禮恭惟王大妃夙傳家業克著母

儀貞靜本乎天資柔順形於日用配先考專治于內

警戒無違保小子式至于今劬勞罔極年垂八秩位

冠東闈以言其德則宗社之所由安以言其功則臣

民之所共賴持螯抱管雖未足以形容檢玉泥金庶

小仲於愛敬謹奉金寶玉冊上尊號曰崇敬王太后
茂對鴻名誕膺鉅慶躋于萬壽祚我三韓

本朝順德溫明莊懿定安大妃金氏

沂系見
后妃

定宗二

年庚辰太宗受禪封宗為順德王大妃冊文曰保佑

恩隆母儀斯著尊崇禮備子道是殫庸舉異章庶伸

誠孝恭惟德妃殿下柔嘉稟性恭儉存心維德之行

夙彰治內之美因心則友克篤展親之仁實賴慈庥

獲叨洪緒欲表難名之德宜加歸美之稱臣諱不勝

大願謹奉丹寶上尊號曰順德王大妃伏惟殿下勉

循歡情誕膺顯號儼至人而多壽與一國而同休

撰
進

臣姓名
不傳

彰德昭烈元敬大妃閔氏

后妃系見

太宗十八年戊戌

世宗受禪封崇為厚德

德宗與謚號疊出故不載御諱

王大妃冊文

曰承天厚載雖聖德之難名孝子至情惟尊親之為

大祇率禮文之舊少伸愛敬之誠恭惟王大妃殿下

柔惠安貞慈和淑慎基周南之美化嗣摯仲之徽音

儆戎無違克盡相成之道劬勞罔極難酬載育之恩

儼日御以恒升示母儀於家國念臣弱質叨守鴻圖

仰惟顧復之私宜舉稱揚之典臣不勝大願謹奉冊

寶上尊號曰厚德王大妃伏惟王大妃殿下光膺顯

弭茂介繁禧享壽福於萬年昌本支於百世撰通臣姓名不

傳

懿德端良齊敬定順大妃宋氏

派系見后妃

端宗三年乙

亥世祖受禪封崇為懿德王大妃冊文不傳

慈聖欽仁景德宣烈明順元淑徽慎惠懿神憲貞熹

大妃尹氏

派系見后妃

睿宗元年己丑封崇為欽仁景德

宣烈明淑徽懿

與今御諱小異

王大妃冊文曰坤元厚德雖

莫罄於名言人子至情宜誕揚於徽弭茲率舊典少

荅洪私恭惟慈聖太妃殿下性稟柔嘉躬履節儉配

乾儀而立極緬義曜以齊明維德之行翼龍飛於五

位受命既固行鴻休於百男念惟孱姿叨承大業莫
匪文母之教敢忘昊天之恩雖當淵默而不言庶幾
圖報於罔極肆採輿頌庸舉縟儀臣不勝大願謹奉
丹寶上尊號曰太妃慈聖欽仁景德宣烈明淑徽懿
伏惟太妃殿下光膺顯稱茂介繁祉作母儀於一國
享天祿於萬年

李承旨
撰進

同年加上尊號順元慎惠

與今

御異
牒小

成宗二年辛卯封崇為神憲大王大妃丹文曰祗荷
慈訓之仁舉國以聽宜極徽稱之禮示民有尊茲率
舊章恭獻寶冊恭惟慈聖欽仁景德宣烈明順元淑

徽慎惠懿王大妃殿下任如聖德馬鄧神功贊烈祖
于家于邦中興景業啓後人不承丕顯益鞏靈圖惟
聖號之已崇顧愚衷之有歎載稽加上之典用伸歸
美之誠臣諱不勝大願謹奉丹寶加上尊號曰慈聖

欽仁景德宣烈明順元淑徽慎惠懿神憲大王大妃
伏惟勉受洪名得歡心於四表茂膺繁祉享榮奉於

萬年

撫進臣姓名不傳

仁粹徽肅明懿昭惠大妃韓氏

亦系見后妃

成宗六年乙

未封崇為王大妃丹文曰克嗣徽音闡翟儀於坤輿
載稱威美上鴻號於椒闈恭惟道結虞嬪德協文母

配先聖修諸內治儆戒無違保小子式至今休劬勞
同極仰念顧復每懷顯揚受天之光縉禮已隆於宮
壺尊親為大榮孝當盡其情文用伸歸美之辭聿舉
追崇之典伏惟丕膺寶冊茂對純禧長樂怡愉永享
一國之養壽籌綿遠將奉萬年之歡

撰進臣姓
名不傳

仁惠昭徽齊淑安順大妃韓氏

沂系見
后妃

成宗二年辛

卯封崇為王大妃冊文曰為之後為之子當盡愛敬
之心有其德有其名盡舉尊崇之典載揚懿範恭獻
徽稱恭惟王妃殿下性稟溫柔躬行慈儉聿修內政
道已隆於母儀用贊先王功實侔於坤載上以奉承

於長樂下以顧復於眇躬聊伸歸美之辭式表欲報

之懇臣諱不勝大願謹奉冊寶上尊號曰仁惠王大

妃伏惟俯循輿望誕受鴻儀益膺百福之臻永享一

國之養

撰進臣姓
名不傳

慈聖和惠昭懿欽淑貞顯大妃尹氏

淑系見
后妃

燕山君

三年丁巳封崇為王大妃

冊文
不傳

聖烈仁明文定大妃尹氏

淑系見
后妃

仁宗元年乙巳封

崇為王大妃

冊文
不傳

明宗二年丁未尊崇為大王大妃冊文曰為政莫先

於孝所貴尊親大德必得其名宜極歸美茲舉加崇

之制庶申臣子之情恭惟大王大妃殿下道邁塗山
切高文母守先王之基業宗社賴安濟冲子千艱難
厯數有在偉大統之既正乃元惡之斯除朝著廓清
乾綱復振仁施溥博動植咸囿於堯天明燭幽微陰
翳悉伏於舜日人爭頌宇神聖世可躋於唐虞雖丹
禮之已陳尚臣心之未懽稽迪舊典增崇徽稱謹奉
丹寶加上聖烈仁明大王大妃伏冀睿鑑俯循輿望
蔭本支於百世衍福祿於萬年

李苞撰進

孝順恭懿仁聖大妃朴氏

淑系見后妃

明宗二年丁未封

崇為王大妃

冊文不傳

宣烈懿聖仁順大妃沈氏

淑系見后妃

宣祖二年己巳封

崇為王大妃

冊文不傳

昭聖貞懿明烈光淑莊定仁穆大妃金氏

淑系見后妃

光

海君二年庚戌封崇為王大妃冊文曰事母如事父

報德無階有實必有名進歸宜顯茲用辰告爾其明

聽恭惟大妃周之太任宋惟聖烈當受命既固之際

誕膺徽稱逮終天罔極之中益篤秉禮由賡化於南

面寔垂範於東朝顧惟歸美之誠合申尊親之義上

尊號曰貞懿緝儀維俟於異日曠典蓋舉於今時自

孝行仁所冀永錫爾類由內達外庶致無疆惟休

柳根

進撰

慈懿恭慎徽獻康仁貞肅溫惠莊烈大妃趙氏

亦系
見后

妃孝宗二年辛卯封崇為王大妃冊文曰匪母靡他

欲報之而罔極尊親為大願名焉而無能肆殫微誠
庸舉殷典恭惟王大妃殿下夙稟懿質茂著德音同
先朝彌月之辰倪天作合逮中壺虛位之日履坤居
尊惟慈仁恭儉之克全與塗莘任姒而比美協贊一
紀終儆戒而如初哀慕二年幸神明之有相仍念眇
末寔荷保綏視膳問安曷足以展愛敬崇歸象德庶
幾其備情文非臣子敢得以私即古今攸行之制謹

上尊號曰慈懿伏惟誕膺景命俯受顯稱聖善之風

永垂於不朽壽福之盛並底於無疆

黃床撰進

顯宗二年辛丑封崇為大王大妃丹文曰人紀莫先
崇孝方殫報本之誠聖德宜加顯名詎緩進冊之舉

肆揚殷禮庸陳縟儀恭惟慈懿大王大妃殿下淑質

柔嘉天姿淵靜篤生世闕丕膺泌麓之祥夙正坤元

允協關雎之詠逮勛華之緒陟尚任姒之尊臨南國

風謠曾播葛覃之化東朝慈訓式昭燕翼之謀懿範

既彰於家邦善頌斯遍於中外致一國之隆養顧不
足於奉親增二字之休稱庶可盡於歸美茲實祖宗

之成憲非徒臣子之至情謹加上尊號曰恭慎伏惟

茂衍洪圖誕受景命千秋萬歲綿壽祺而無疆王檢

金泥耀徽音以不朽

尹順之撰

肅宗二年丙辰加上尊號丹文曰尊母儀於三朝慈訓夙著攷彛章於百代顯號宜崇載敬徽音式煥寶冊恭惟慈懿恭慎大王大妃殿下度合彤管祥徽玉衣脫簪周闡畫規歲於聖導嘉訓於太妣載煥徽音進休稱於聖慈爰舉縟祖含飴漢殿隆撫養於眇躬每痛勛萃之繼昇猶幸任姒之祗奉而陰教不替於先後蓋懿範益彰於終始德莫盛焉祉既施於受帝

禮則然矣孝孰大於顯親顧緣笄疾之哀尚稽薦稱之舉星移歲改奄屆即吉之期日盡天摹遙聞加美之典謹加上尊號曰徽獻伏惟長秋如昔景命維新有是實有是名脩情文而罔缺得其祿得其壽保子

孫於無疆

閔顯
樵進

孝肅敬烈明獻仁宣大妃張氏

派系見
后妃

顯宗二年辛

丑封崇為王大妃冊文曰遵嘉訓於太妣載煥徽音進休稱於聖慈爰舉縟典尊之至也禮則當然恭惟王大妃殿下道合柔貞姿凝淑哲名門毓慶夙膺仁祖之妙掄中壺含章實賢寧考之玄德適值屯否之

運脩嘗播越之艱處困如享咸仰令譽之無替承乾
以順益見陰功之有隆丕闡內治者十年遠播國風
於八域逮大喪攀擗之日賴神明而扶持自小子續
嗣以來勤教誨而保佑喬山霜露奄驚歲月之遷長
樂晨昏尚幸溫清之奉芳猷縱難於摹畫孝思深切
於顯揚謹上尊號曰孝甫伏惟寶壽添齡彤管增耀
陳儀物於並闕庶展愛敬之誠正位號於東朝永享

怡愉之樂

孝一相
撫進

顯烈禧仁貞獻文德明聖大妃金氏

派系見
后妃

肅宗二

年丙辰封崇為王大妃冊文曰生我鞠我既殫報德

之誠至親維親宜致歸尊之道肆陳顯冊用伸微衷
恭惟王大妃殿下飭躬幽閑存心淑慎並基周之任
姒作嬪虞之皇英徽音載揚夙符續女之詠嘉訓是
式永貽翼子之謀方彤管之騰譽遽烏弓之遺勳藐
以弱齒祇承慈顏七日之夢縈回驚喜因極三年之
制奄闕愴疚深深茲當慶除之餘敢緩隆美之舉周
雅賢大邦有子不顯其光宋朝稱聖后如堯維烈無
競爰稽禮典無採詩章謹上尊號曰顯烈伏惟勉抑
撝謙俯膺宗賁遐嘏景福襲母氣以同流厚載悠齡
儼坤元而因極

金錫胃
撰進

惠順慈敬獻烈光宣顯翼康聖貞德壽昌永福隆化

徽靖宣懿章穆仁元大妃金氏

派系見
后妃

景宗二年壬

寅封崇為王大妃冊文曰德實叅於載物曷報厚恩
孝莫大於尊親誕揚崇號肆陳寶冊式奉彝章恭惟
惠順王大妃殿下稟性粹和宅心莊靜襲慶林慶川
之令緒家法孔彰繼仁敬仁顯之徽猷壺儀克正先
賢內治者廿稔協宣陰教於八埏屬寧王奄棄羣臣
而小子惟依太母終天至痛閱三年而彌加愛日深
誠養一國而不足雖先朝媿美已揭丕稱在今我伸
情合行隆典爰稽古式聿賁新儀謹加上尊號曰慈

敬伏惟勉副微忱益膺繁祉慈天所覆罔萬品而同
休厚地不騫綿億齡而永鞏

趙泰億
撰

英宗二年丙午封崇為大王大妃丹文曰黃裳元吉
母儀尊於三朝寶丹顯揚坤化闡於二字聿循彛典
祇薦微忱恭惟惠順慈敬大王大妃殿下沙麓徵祥
長秋脩禮德洽主壺宣仁女之舜堯道協配乾太上
民之父母輔嗣王之初政奚待鸞司之垂簾奉聖考
之遺音遂決禁中之定策逮禍釁之祝降痛勛華之
緬昇恒眷眷而撫予曲推懷中之戀方玃玃而在疚
幸承膝下之歡茲丁愴鄙之辰益篤愛戴之捆事孰

為大繼孝思切於尊親人無能名固芳猷難於盡日
適遵邦家之故式少伸臣子之至情謹加上尊號曰
獻烈伏惟彤管增輝瑤籙衍慶一邦為養詎報顧復

之恩萬壽無疆祈享怡愉之樂

李觀命撰

敬順孝仁惠穆宣懿大妃魚氏

派系見后妃

英宗二年丙

午封崇為王大妃丹文曰賢五載之光臨咸仰懿範
進二字之崇賁率循彛章式表微忱庸陳顯冊恭惟
王大妃殿下性稟淑哲姿凝粹溫同先朝誕彌之辰
倪天作配繼元媿順承之治儷日為明益弘儉勤之
規宜獲安貞之吉而嘉頌正騰於彤管奈至痛遽纏

於烏弓三霜奄過愴仙遊之已遠百神共佑幸玉體
之周愆茲當殷制之甫終敢緩盛美之昭揭周雅詠
於純之德久協休稱漢閭著克敬之譽寔符惠問爰
稽典憲聿修情文謹上尊號曰敬純伏惟勉回淵衷
俯膺景命鴻圖鳳曆撫瓜瓞之永綿玉檢金泥播芳

誕而愈久

李宜顯
撰進

睿順聖哲王大妃殿下金氏

淑系見
后妃

今上二年戊戌

尊崇為王大妃冊文曰三年之制總過升祔太室二
字之號崇奉賁隆東朝允叶情文式遵典憲恭惟睿
順聖哲王大妃殿下姿凝貞靜躬行儉勤繼元妃坤

育之仁克著戎濯龍之德佐先王乾惕之政恒懋警
鳴鷄之誠頃當鶴禁之孤危偏荷翟禕之保佑奸萌
逆折運陰切於簾帷丕策賡成奠洪基於盤恭嘉頌
方騰於友瑟至慟遽纏於遺弓祥禕已終喬陵之歲
月易邁神祇共護長樂之起居罔愆將舉殷廟之盛
儀思闡周后之徽烈誠深愛日孝莫大於尊親志切
摹天禮彌隆於加號茲進新牒用循舊章謹奉丹寶
上尊號曰莊僖伏惟寶錄膺休彤管增耀養一國而
不足垂懿範於玉鏤金刻綏萬年而無疆介景福於

竹苞松茂

洪國榮
撰進

東國文獻備考卷之七十

東國文獻備考卷之七十一

校正

補王系考

后妃

新羅始祖五年立閼英為妃

詳見物異考

妃有賢行能內

輔人謂之二聖王巡撫六部勸督農桑妃閼英從焉

六十一年赫居世薨越七日閼英亦薨

南解王妃雲帝夫人

一云阿婁夫人

儒理王妃葛文王日知女

或云朴氏許婁王女

脫解王妃阿孝夫人南解王女

世系圖作阿留夫人

娑婆王妃史省夫人金氏葛文王許婁女

祇摩王妃愛禮夫人金氏葛文王摩帝女

逸聖王妃朴氏支所禮王女

阿達羅王妃內禮夫人祇摩王女

奈解王妃伐休王太子骨正女

助賁王妃阿爾兮夫人奈解王女

味鄒王妃光明夫人昔氏助賁王女

奈勿王妃保反夫人金氏味鄒王女

一作內
禮吉怖

實聖妃內留夫人味鄒王女

訥祇王妃阿老夫人實聖王女

慈悲王四年納舒弗耶末斯欣女為妃

權近曰大婚重禮也合二姓之好為宗廟社稷之主是不可以不謹也故禮不娶同姓雖至百世婚姻不通所以附遠厚別謹男女之際也慈悲王納其季父末斯欣之女為妃其無人道甚矣夫王與妃同其祖矣以奉宗廟之祀神其享乎神不享則祚必不長矣傳曰男女同姓其生不繁慈悲生炤知炤知遂絕嗣可不戒哉

炤知王妃善兮夫人伊伐食乃宿女

姓譜作奈勿王孫葛文王習寶

女世系圖
作期寶女

智證王妃延帝夫人伊滄登欣女

欣一住證

法興王妃保刀夫人朴氏

一住巴丑夫人

真興王妃思道夫人朴氏

末年祝髮為比丘尼住永興寺真智王三十六年卒

十四年娠百濟主女為小妃

真智王妃知道夫人

三國遺事住如刀夫人朴氏父烏公

真平王妃摩耶夫人金氏葛文王福勝女

三國遺事住僧夫人

太宗王妃文明夫人金氏名文姬蘓判舒玄女初舒

玄女實姬夢登西兄山頂坐旋流通國內覺與其妹

文姬言文姬戲曰願買兄夢因與錦裙為直後金春

秋與庾信蹴踘庾信故踐春秋衣紐落之請往其家

因置酒噉寶姬來綴寶姬辭曰豈可以細事輕近貴
公子乎文姬乃進綴以淡粧輕服光艷照人春秋悅
之仍請成婚

文武王妃慈儀王后波弥食善品女儀王后一作慈

神文王妃蘓判金欽突女罪廢

三年納一吉食金欽運一作雲女為妃先差伊食文頽

波弥食三光定期以大阿食智常納采幣帛十五輦

米酒油蜜醬豉脯醢一百三十五輦租一百五十車

又遣伊食文頽愷无抵其宅丹為夫人又遣改弥食

太常孫文阿食坐耶吉叔等各與妻娘及梁沙梁二

却嫗各三十人迎來夫人乘車左右侍從官人及娘

嫗甚盛

聖德王妃成貞王后金氏一作嚴蘇判元泰女三年

王納為妃

昭德王后金氏伊飡順元女十九年納為妃丹封王

后新羅后妃之制初稱夫人後稱妃至是始稱為后

二十三年卒

孝成王妃金氏名惠明伊飡順元女姓普作角干真

妃詔作二年唐遣使丹妃四年唐又遣使丹

景德王妃金氏伊飡順貞女

滿月夫人金氏舒弗耶義忠女二年納為王妃

惠恭王妃新寶王后伊滄維誠女

次妃金氏伊滄璋女

宣德王妃具足夫人角千良品女

一生阿滄義恭女

元聖王妃蓮花夫人金氏

或作淑貞夫人

角千神述女

昭聖王妃桂花夫人金氏大阿滄叔明

一作明女

同姓

改稱叔氏

唐書作叔氏

二年丹為王后

哀莊王妃朴氏六年丹為妃

憲德王妃貴勝夫人角千禮英女

姓譚作皇娥后角千忠恭女舊唐書

丹妃詔作貞氏

興德王妃章和夫人昭聖王女元年卒追封為定穆

王后

王思不能忘懷然不樂羣臣表請再納妃王曰
隻鳥有喪匹之悲況失良匹何忍無情遽再娶

乎遂不從亦不親近女侍
左右使令惟宦豎而已

僖康王妃文穆夫人大阿飡忠恭女

閔哀王妃允容王后金氏

神武王妃真從夫人明海女

文聖王妃昭明夫人侍中魏昕女三年唐遣使冊為

王妃

王欲娶清海鎮大使弓福女為次妃朝臣諫曰
夫婦之道人之大倫也故夏以塗山興殷以嬖

氏昌周以廢姒滅晉以驪姬亂則國之存亡於是乎
在其可不慎乎今弓福海島人也其女豈可以配王

室乎王
從之

景文王妃文懿王后一作寧憲安王長女六年丹妃

次妃憲安王季女

初憲安王與王后語曰朕閱人多矣無如膺廬者意以女妻之仍置

酒同飲從容言曰吾有二女兒今年二十歲弟十九歲昨即所娶膺廬拜謝便歸家告父母父母言聞王

二女容色兄不如弟若不得已宜娶其弟乎即從範教曰娶兄有三益弟有三損膺廬乃奏臣不敢自決

惟王命王以長女妻之是為寧花夫人三年又納寧花夫人弟為次妃王問範教曰前所謂三益者何對

曰王及王妃喜其如意寵愛益浸深一也因此得緇大位二也卒娶季女三也王大笑爵範教為大德賜

金百三十兩

憲康王妃懿明夫人

姓譜作文資王后

孝恭王妃伊滄又譙女三年納為王妃

神德王妃義成王后憲康王女

高句麗始祖妃卒本扶餘王女

琉璃王妃松氏多勿侯讓女二年納為王妃三年薨
更姬二姬禾姬鶻川人雉姬漢人造東西二官置之
故國川王妃于氏提那部素女二年納為王妃

山上王妃于氏以前王妃元年納為王妃

中川王妃祿氏元年納為王妃

西川王妃于氏西部大使者漱女二年納為王妃

百濟責稽王姬帶方王女寶篋為夫人

近仇首王妃阿尔夫人

腆支王妃八湏夫人

駕洛國首露王妃許氏名黃玉歸普州太后世傳阿
踰陀國王女或云南天竺國王之女東漢光武建武
二十四年浮海而至王迎于幔殿同輦還闕立以為
后生九子而一子從母姓至靈帝中平六年薨壽一
百五十七國人號初來維舟處曰主浦村解綾袴處
曰綾覘菑旗入海處曰旗出邊在主浦之左至今存
其名

高麗太祖妃神惠王后柳氏貞州人三重大匡天弓
女微時媼為夫人太祖推戴時夫人手提甲盾
以被之十六年後唐明宗遣大僕卿王瓊來冊后詔

曰為人之妻能從以貴者是為宜其家矣封邑之制
彝典所垂俾增伉儷之光以補國君之爵

高麗

國王妻河東柳氏內言必正同獎固多贊虎幄之嘉
謀保魚軒之寵數輔成忠節諒屬柔明爰降殊崇載
踰常等勉助勤王之志是謂報國之規可封河東郡
夫人薨謚神惠王后祔葬顯陵

莊和王后吳氏羅州人父多隣君太祖以水軍將軍
出鎮羅州望見木浦川上有五色雲氣后浣布其下
召幸之生子惠宗薨謚莊和王后

貞德王后柳氏貞州人侍中德英女

惠宗妃義和王后林氏鎮州人太匡曦女太祖四年
冊惠宗為正胤以后為妃薨謚義和王后祔惠宗廟
穆宗五年加謚成懿顯宗五年加謚景信十八年加
謚懷宣高宗四十年加謚靖順

定宗妃文恭王后朴氏昇州人三重大匡英規女薨
謚文恭王后祔定宗廟穆宗五年加謚淑節顯宗五
年加謚孝慎十八年加謚景信後又加謚宣穆順聖
文宗十年加謚貞惠高宗四十年加謚安淑

文成王后朴氏亦英規之女

光宗妃大穆王后皇甫氏太祖女

從外姓麗朝凡娶
同姓皆從外姓

薨謚大穆王后祔光宗廟穆宗五年加謚安靜顯宗
五年加謚宣明十八年加謚懿正後又加謚信敬文
宗十年加謚恭平高宗四十年加謚靜睿

景宗妃獻肅王后金氏新羅敬順王傳女薨謚獻肅
王后祔景宗廟穆宗五年加謚溫敬顯宗五年加謚
恭孝十八年加謚良惠後又加謚懿穆文宗十年加
謚懷安高宗四十年加謚仁厚

獻懿王后劉氏太祖子文元大王貞女

獻貞王后皇甫氏太祖子戴宗女與王子郁通生顯
宗而卒謚獻貞王后顯宗八年加謚惠順十二年改

仁惠十八年加謚宣容高宗四十年加謚明簡

成宗妃文德王后劉氏光宗女初適弘德院君圭後
配成宗薨謚文德王后祔成宗廟穆宗五年加謚孝
恭顯宗五年加謚順聖十八年加謚英容後又加謚
肅節文宗十年加謚元獻高宗四十年加謚宣威
文和王后金氏善州人贈侍中元宗女初補延興宮
主或補玄德宮主薨謚文和王后

穆宗妃宣正王后劉氏宗室弘德院君圭女薨謚宣
正王后祔穆宗廟顯宗五年加謚懿節後又加謚安
獻貞慎文宗十年加謚秉堅高宗四十年加謚元貞

顯宗妃元貞王后金氏成宗女顯宗納為妃稱玄德
王后九年薨謚元貞王后十八年加謚懿惠

元和王后崔氏亦成宗女初稱恒春殿王妃後改常
春殿薨謚元和王后

元成王后金氏安山人侍中殷惲女顯宗南幸至公
州殷惲時為節度使使后製御衣以進因納之稱述
慶院主後改院為宮十三年冊為王妃號長慶宮十
九年薨謚元成王后祔顯宗廟德宗加謚睿懿恭惠
文宗十年加謚英穆後又加謚良德信節順聖仁宗
十八年加謚慈聖高宗四十年加謚廣宣

元惠王后金氏亦殷傅之女初稱安福宮主顯宗十一年改稱懿德十三年卒謚元惠十六年追贈王妃十八年加謚平敬王后

元容王后柳氏太祖孫敬章太子女顯宗四年納為妃薨謚元容王后

元穆王后徐氏利川人內史令訥女顯宗十三年納為淑妃稱興盛宮主文宗十一年卒謚元穆王后元平王后金氏亦殷傅之女顯宗十九年贈元平王后

德宗妃敬成王后金氏顯宗女德宗三年納為后宣

宗三年薨謚敬成王后祔德宗廟仁宗十八年加謚
柔貞高宗四十年加謚寬肅

孝思王后金氏亦顯宗女

靖宗妃容信王后韓氏湍州人贈門下侍中祔女靖
宗初為平壤君納為妃卽位號述興宮主丹為惠妃
封定信王妃二年薨文宗二年述謚容信王后十年
加謚定懿仁宗十八年加謚明達高宗四十年一謚
禧穆

容懿王后韓氏亦祔之女靖宗四年丹為麗妃號昌
盛宮主後改玄德六年丹為后薨謚容懿王后

容穆王后李氏扶餘郡人工部侍郎稟馬女號昌盛
宮主

文宗妃仁平王后金氏顯宗女

仁睿順德王后李氏仁州人中書令子淵女號懿德
宮主文宗六年封為王妃丹文曰王化興邦首述闕
昨之義坤元立配固惟神馬之占蓋所以敦序二儀
甄揚四德彫簡編而可久東賢淑以為先盡據前修
用旌殊寵咨爾懿德宮主李氏含章有順歸性無虧
覆以玉衣早膺嘉瑞貯之金屋亮協幽求爰將五可
之稱來演六宮之慶葛覃之詠采著於睦和蘭夢之

徵誕彰於蕃衍執組紉之妙致景慕共姜守閨壺之
令猷思齊太姒顧惟弘懿宜示正封遂頒命於鸛銜
俾加崇於翟服令遣使某官某持節脩禮冊命為王
妃於戲惟茲后妃之職實是國家所宗勵乃柔規效
餘芳於翼夏竟令彤史免專美於熙殷永享于休母
忘厥訓

宣宗九年薨謚仁睿順德王后仁宗十八年加謚聖
善高宗四十年加謚孝穆

順宗妃貞懿王后王氏顯宗子平壤公基女

宣禧王后金氏慶州人大卿良儉女順宗在東宮選

入宮號述福宮主仁宗四年卒謚宣禧王后祔順宗廟十八年加謚恭懿高宗四十年加謚和順

宣宗妃思肅王后李氏仁州人工部尚書碩女宣宗納為妃薨謚思肅王后仁宗十八年加謚貞和高宗四十年加謚匡肅

肅宗妃明懿王后柳氏貞州人門下侍中洪女號明福宮主後改述德肅宗四年封為王妃冊文曰殷聘有莘而作配周徵太任以為妃而皆致王業之勃興載史編而彪煥合遵舊制特舉寵章咨爾述德宮主柳氏霽月儲精曾沙協慶結褵外郎行婦道以有聞

鳴珮中闈賢皇猷而匪懈旋被神明之福祐得諧胤嗣之蕃昌今遣某官某持節備禮冊命為王妃於戲絲綸降命俾正位於璇宮綸翟加儀永疏芳於彤甍教訓斯在敬慎勿忘

睿宗七年薨謚明懿王后仁宗十八年加謚柔嘉高宗四十年加謚光惠

睿宗妃敬和王后李氏宣宗女睿宗納為妃薨壽三十一謚敬和王后

文敬王后李氏朝鮮國公賁譙第二女選入宮號延德宮王睿宗九年封為王妃冊文曰在天成象尚有

軒星之躔理國齊家必崇坤極之位上以承宗廟下以厚人倫永惟興替之本靡不由此焉夏之興也以塗山殷之興也以莘野朕若稽於典憲祈協于神民咨爾逆德宮主李氏性惠而明儀靜而肅惟乃烈祖克勤王家累為姻親積有善慶篤生聖后世繼哲王覃及後昆產茲懿媛朕登位來嬪于京闕睢之化行樛木之恩逮常有進賢之志固無私謁之心以至協熊夢之祥誕生家嗣申鷄鳴之戒密輔朕躬宜加顯號以表中闈今遣某官某持節備禮冊命爾為王妃夫惟先王釐厥士女始自內理御于邦家於戲予

思大賚之人懷升令德爾以相成之道並勵芳猷同
濟宏休永綏遐福十三年薨謚順德王后仁宗十八
年加謚慈靖

文貞王后文宗子辰韓侯愉女睿宗薨出居永貞宮
仁宗七年封貴妃十六年薨謚文貞王后

仁宗妃李氏資謙第三女二年資謙恐他姓為妃權
寵有所分強請納之王不得已冊為延德宮主是日
驟雨大風拔木及資謙敗諫官言宮主於王為從母
不可以配極王乃黜之二十七年卒

妃李氏資謙第四女三年又納為妃是日又大風雨

○竇譙潛圖不軌置毒餅中以進妃密白王又送毒藥妃陽蹶覆碗竇譙敗亦以諫官言廢明宗二十五年卒

史臣曰竇譙去年納茅三女今年又納其四女昔魏公操窺伺漢鼎納三女于帝為貴人宮中動靜無不先知今竇譙之計卽操之計竇譙曾信圖讖李氏得國之語蓄無君之心蓋非一朝一夕之故史氏乃以竇譙之納二女為懼權寵之分何其見事之晚也

恭睿王后任氏長興府人中書令元厚女妃誕夕外

祖侍中李瑋夢黃大旗豎於第中門旗尾飄蕪於宣
慶殿鵠尾妃生瑞奇愛之曰此女後當遊宣慶殿及
笄平章事金仁揆子之孝聘之婚夕之孝至門妃暴
疾幾死乃謝遣卜人占病曰勿憂此女貴不可言必
為國母時李資謙已納兩女于王聞其言惡之即奏
貶元厚為開城府使歲餘府倅夢太守廳事樑棟并
往大竇黃龍殺竇而出詰朝倅俱朝服詣元厚具陳
其夢以賀曰使君家必有異慶公其識之仁宗嘗夢
得荏子五并黃葵三并以語拓俊京俊京對曰荏者
任也納任姓后妃之兆也其數五者誕五子之瑞也

黃者皇也與皇王之皇同葵者揆也與道揆之揆同
所謂黃葵者皇王執道揆御邦家之瑞也其數三者
五子之中三子御國之兆也王既出資譙二女選入
宮號懿德宮主七年丹為王妃詔曰古先哲王之有
天下也非獨由己德之茂蓋亦有內助之賢朕叨蒙
景命嗣守丕基王假有家重人倫之大義天作之合
宜君子之好述咨爾任氏夙以婦才起於德闕動必
由於禮節居不思於女功自初作嬪爰得有子宣特
室家之好實增邦國之休是用舉以典章加之位號
今遣某官某持節冊命為王妃於戲儉約可以保厥

身肅恭可以供其職當體朕意永享于休明宗十二年薨壽七十五謚恭睿王后

宣平王后金氏兵部尚書璿女仁宗五年納為次妃明宗九年卒謚宣平王后

毅宗妃莊敬王后金氏文宗孫江陵公溫女毅宗為太子時納為妃卽位封為興德宮主卒高宗四十年加謚惠資

莊宣王后崔氏稷山縣人平章事端女

明宗妃光靖王后金氏江陵公溫女明宗納為妃薨謚義靜王后康宗元年加謚光靖高宗四十年加謚

恭平

神宗妃宣靖王后金氏江陵公溫女神宗為平涼公
時納之及卽位立為元妃三年封為宮主冊文曰朕
聞自古有國有家立政立事非獨咨謀於外輔亦先
求助於中閨咨爾金氏星娶分精銀潢聯派貞明之
性本自天成柔靜之儀不煩姆訓動而中節於環佩
居則專精於組紃繫朕躬之在藩以淑質而作配早
協坤貞之吉不顯其光果符震長之尊則篤其慶宣
獨室家之正始實惟社稷之延休共潛光於二十年
聿修婦道今踐祚於九五位盡賢皇猷今遣使其官

某持節冊命為宮主於戲能以儉約率其身克紹開
帷之化亦以法度供其職遠頒彤管之風祇服訓辭
永膺天祿高宗九年薨謚宣靖王后四十年加謚信
獻

熙宗妃成平王后任氏宗室寧仁侯植女熙宗七年
封為咸平宮主冊文曰朕聞易賁坤元所以配乾剛
之道詩緇后德所以明主化之基故塗山適而夏業
興大任歸而周室盛朕祇承景命續守宏圖理國先
家所重人倫之本自天作合豈無君子之速咨爾元
妃任氏嫔宿分輝天潢毓粹夙著肅雍之德而無險

設之心朕初在藩乃為嘉耦比登大寶益賢洪猷允
協斯干之吉夢長發其祥果符純震之得男克昌厥
後宣特室家之慶實惟邦國之光既婦德之若斯宜
恩章之特厚肆頒爵號俾正宮庭今遣某官某持節
脩禮冊命爾為王妃咸平宮主於戲躬勤儉以保身
循法度以供祀宜思厥服罔或不祗高宗三十四年
薨謚成平王后四十年加謚貞章

康宗妃思平王后李氏義方女康宗為太子時義方
納之義方誅黜之

元德王后柳氏宗室信安侯城女康宗元年冊為逆

德宮主詔曰為君克艱理內充劇大舜之化天下也
蓋賴娥皇之釐降王季之肇邦基也亦因摯仲之思
齊顧予天匹之賢明有古后妃之輔弼盍加顯冊以
答潛功今遣某官某持節備禮冊命爾為王妃迺德
宮主無賜印綬衣樹金銀器匹緞布穀奴婢鞍馬高
宗二十六年薨謚元德太后四十年加謚貞康

高宗妃安惠王后柳氏熙宗女熙宗七年冊為永福
宮主高宗五年納為妃十九年薨謚安惠王后元宗
二年元降制追封高麗王妃

元宗妃順敬王后金氏慶州人莊翼公若先女高宗

二十二年元宗為太子時納為妃封為敬穆賢妃薨
即位三年追封為靜順王后忠宣王二年元降制追
封高麗王妃

慶昌宮主柳氏宗室新安公佺女元宗元年冊為王
后號慶昌宮主忠烈王三年以呪詛誣坐廢為庶人
而卒

忠烈王妃齊國長公主名忽都魯揭里迷失元世祖
女母阿速真可敦元宗十五年忠烈王以世子在元
尚公主及嗣位逆公主于元東還冊為元成公主宮
曰敬成殿曰元成府曰膺善以安東京山府為湯沐

邑元成宗即位丹公主制曰朕嗣有令緒時庸展親
睦先朝帝女之賢視今日宗藩之貴肆揚煥發用率
彛章釐降高麗國王公主忽都魯揭里迷失毓秀天
潢承徽宸極孝恭有則早閑虛範之慈警戒無虞特
偕公宮之重正嬪儀於貳館敦王化於三韓車服不
係其夫義方以教其子既優既渥是惟茅土之分來
歸來寧與都邦國之慶曰廷臣之建議即邑國以疏
封予以錫丹闡禁之恩予以彰赤闕駟車之寵於
戲周王姬為婦道之準以成其肅雍唐漢陽以皇姑
之尊深戒乎驕侈罔俾前代得專令名可封安平公

主高麗王妃

二十三年薨壽三十九謚莊穆仁明王后武宗降制
曰愛於世皇即公宮而命醮方穠青軒之桃李俄晞
白露於蕪葭永懷懿親用隆恤典高麗王璋妃皇姑
安平公主高麗王妃發祥坤掖分沛天潢以舜妃癸
比之宵明為古公稟父之姜女善於媿德車服不矜
其夫家樂有娠賢茅土已纘其父服可謂全妻道之
終始苟不因湯沐之安平原進大封曷彰尊屬於戲
自他邦而並闕最道路之五千移近甸於東秦盡山
河之十二明靈可作殊報是承可進封皇姑齊國大

長公主高麗國王妃

貞和宮主宗室始安公姻女忠列王納為妃即位丹
為貞和宮主後自公主釐降退居別宮與王絕不相
通及公主薨後始奉迎入宮忠肅王六年卒

淑昌院妃金氏衛尉良鑑女忠烈王納為妃號淑昌
院妃

忠宣王妃薊國大長公主名寶塔寶隣元晉王甘麻
刺女忠宣王以世子在元尚主忠烈王二十四年公
主王自元來是年忠宣受禪號公主宮曰中和府曰
崇敬置官僚忠宣王復位二年元封為韓國長公主

忠肅王二年薨于元奉柩東還忠惠王四年元追封
薊國大長公主

忠肅王妃濮國長公主名亦憐真八刺元營王也先
帖木兒女忠肅王三年在元嫵之是年公主王自元
來六年薨追贈靖和公主忠惠王四年元追封濮國
長公主

曹國長公主名金童元順宗子魏王阿木哥女忠肅
王十一年在元嫵之明年公主王自元來未幾薨年
十八忠惠王四年元追封曹國長公主

慶華公主名伯顏忽都蒙古女忠肅王在元嫵之後

二年公主王自元來開府曰慶華置宮屬王薨忠惠王蒸馬五年薨恭愍王十六年元贈謚肅恭徽寧公主

明德王后洪氏南陽府人府院君奎女忠肅王納為妃即位丹為德妃後自濮國公主東來后出居靖安公茅立府曰德慶辛禍六年薨壽八十三謚明德王后後加謚元恭

忠惠王妃德寧公主名亦憐真班元鎮西武靖王焦八女忠肅王十七年忠惠王在元尚公主是年公主王自元來恭愍王十六年元封貞順淑儀公主辛禍

元年薨

恭愍王妃魯國大長公主名寶塔失里元宗室魏王之女王在元親迎于業庭元封承懿公主王即位與之東還置府曰肅雍十四年薨謚曰仁德恭明慈睿宣安王太后十六年元賜謚曰魯國徽翼大長公主尋改謚徽懿以聞于元

恭讓王妃順妃盧氏交河郡人昌城君禎女恭讓王元年立為順妃三年都評議使司奏殿下受命中興以正大位奉承宗廟社稷之祀中宮所以助祭祀宜令有司舉行冊禮以正名號遂授妃竹冊金印封為

順妃

高麗時王后丹封後例有上謝表翰林受勅製進

李奎報文集王后謝丹封表曰敢圖睿眷不捐箕帚之勞驟需洪私俾受褊褊之寵

本朝太祖妃承仁順聖神懿王后韓氏籍安邊密直

副使贈領門下府事安川府院君景敏公卿女初封

元信宅主高麗恭讓王三年辛未昇遐于潛邸春秋

五十五太祖即位追封節妃定宗即位上弭神懿王

后教命王后文並不傳

繼妃順元顯敬神德王后康氏籍谷山判三司事贈

象山府院君允成女太祖即位丹封顯妃教命王后文並不傳

五年丙子昇遐上謚神德王后春秋傳不國初儀文疎
漏太祖上昇後只以神懿王后陞祔顯宗十年己酉
追祔太廟上謚順元顯敬丹文曰彞章久闕茲修登
配之縟儀顯冊追隆聿舉揚烈之曠典先王之志是
繼我家之禮亦宜恭惟皇祖妣神德王后毓祉華宗
媿體聖祖密贊龍飛之業有婦人於亂臣早正翟禩
之尊受誥命於天子咸仰塗山之化奄結昭陵之悲
式彰德而易名萬事已訖宜躋廟而同凡百世不祧
迨及舜狩之陟方終久周室之合饗蓋議臣謬誤未
體永元之深惟而累朝因循不遑孝章之升祔肆致

神理之隱鬱實均庶品之咨嗟惟簡策之可徵尚音
徽之不昧安侑無所念本始而靡安經常有虧在後
嗣而敢忽爰稽故實用參情文象設重新於寢園載
耀韜景仙遊斯集於宗祏庶慰明靈民心可觀允符
億兆人之攸望天道必復粵至三百年而迺行陳盛
儀而如初進懿號而增感謹遣臣議政府領議政鄭
太和奉玉冊上徽號曰順元顯敬王后冀回昭鑑俯
諒微忱寶牒垂芳與天壤而齊久瑤圖衍慶俾雲仍

而猶昌

趙復陽
撰進

定宗妃順德溫明莊懿定安王后金氏籍慶州判禮

賓寺事贈門下左侍中天瑞女太祖七年戊寅冊德
嬪尋進封德妃太宗卽位上號順德十二年壬辰昇
遐春秋五十八肅宗七年辛酉追上徽號溫明莊懿
封德妃冊文曰易著咸恒而正人倫禮嚴名分而重
配匹載稽彝典庸建徽稱惟金氏端一誠莊幽閑貞
靜早創閨門之道宜其家人茂隆冢婦之儀承我宗
事當庶孽之煽亂殫內助以濟危旣無歎於壺儀庶
有補於風化爰命為王德妃授以寶冊於戲嬪于媽
泐聿基虞舜之興臣有邑姜用贊武王之治勉循往
行以裕後昆

撫進臣姓名不傳
大妃封崇見太后

太宗妃彰德昭烈元敬王后閔氏籍驪興門下左政
丞驪興府院君文度公霽女太祖卽位封靖寧翁主
定宗二年庚辰冊封貞嬪尋進封靜妃世宗二年庚
子昇遐春秋五十六年甲辰追謚彰德昭烈封靜
妃冊文曰王化之基必始閔門之正宗祀之統實閔
配匹之尊爰舉彝章載揚顯冊惟爾貞嬪閔氏幽閑
貞靜誠一端莊自結髮而同牢夙著宜家之德能決
策而提甲殲成定社之功茲獲紹於丕圖亦多資於
內助肆不忘糟糠之舊用以崇禴翟之儀於戲室家
萬年式衍昇平之祚本支百世永貽垂裕之謀

撰進
臣姓

名不傳○大妃
封崇見太后

世宗妃宣仁齊聖昭憲王后沈氏籍青松領議政府
事青川府院君安孝公溫女太宗八年戊子初封敬
淑翁主十七年丁酉封三韓國大夫人十八年戊戌
冊封敬嬪尋進封恭妃世宗十四年壬子改封王妃
二十八年丙寅昇遐春秋五十二文宗二年壬申追
上謚宣仁齊聖封恭妃冊文曰王化之基實有資於
內助人倫之至當極備於彝章爰舉徽稱載揚顯冊
惟爾沈氏端莊貞靜柔懿溫恭念在憂勤常進儆戒
之道心在恪慎曾無宴安之情宜儼德於咸恒可並

美於風雅肆當莅政之始俾嚴縟儀之加是用命爾
為王恭妃授以丹寶益迓嘉祥永膺大慶協敷陰教

貽燕謨於萬年克正坤儀播鴻休於百世

撰進臣姓名不傳

封王妃丹文曰人倫之重必嚴配匹之尊王道之行

當始閨門之正載稽古典爰舉彛章沈氏稟德柔嘉

宅心淵靜恭勤自飭允孚宮壺之儀儆戒相成克篤

邦家之慶既黃裳之協吉宜玉諫之揚輝茲弘內助

之規庸錫中闈之號於戲螽斯繼美俾昌本支之繁

樛木推仁永綏福履之盛

撰進臣姓名不傳

文宗妃仁孝順惠顯德王后權氏籍安東判漢城府

事贈領議政花山府院君景惠公專女世宗十三年
選入東宮封承徽未幾進封良媛十九年丁巳冊封
世子嬪二十三年辛酉昇選于東宮春秋二十四文
宗即位追冊為王妃端宗二年甲戌追上謚仁厚順
惠追冊王妃文曰重配匹而尊嫡實亘古今定位
以正名奚間存沒肆稽彛典庸舉彌文咨爾顯德
妃權氏性稟端莊心操淵懿惟爾作嫔方予在儲
思媚兩宮聿修閨壺之職乃誕元子克篤邦家之
禧何大限之俄窮而良佐之遽失於戲脩短之數
難追封崇之禮當嚴今遣臣右議政南智授爾玉
冊金寶追贈

為顯德王后鴻儀增輝既洩揚於玉牒燕謀益永庶

密贊於瑤圖

撰進臣姓
名不傳

皇明代宗皇帝封王妃誥曰帝王推恩錫爵而褒榮
及其伉儷者此國家之盛典也爾權氏乃朝鮮國王
李諱之妻秉德柔淑內助有稱爾夫既襲王爵爾宜
與之偕崇茲特封為朝鮮國王妃爾尚恪遵婦道以
助藩邦欽哉

端宗妃懿德端良齊敬定順王后宋氏籍礪山判敦
寧府事礪良君贈領敦寧府事礪良府院君玆壽女
端宗二年丹封王妃三年乙亥上薨懿德世祖二年

丁丑降為夫人中宗十六年辛巳昇遐春秋八十二
肅宗二十四年戊寅追復位號上謚端良齊敬定順
甲戌封王妃丹文曰乾坤合德生成萬物王者法天
必立元妃所以奉宗統而基風化也予以冲末嗣守
丕基敬戒相成當資內助是用博採茂族旁求懿德
咨爾宋氏性稟溫柔德著幽閑固宜正位中壺母臨
一國今遣使孝寧大君補副使正憲大夫戶曹判書
趙惠授玉冊寶章以為王妃於戲合體同歡以承宗
廟開睢之化螽斯之慶皆自今日始可不慎歟

撰進
臣姓

名不傳○大妃
封崇見太后

世祖妃慈聖欽仁景德宣烈明順元淑徽慎惠懿神
憲貞熹王后尹氏籍坡平判中樞院事贈領議政府
事坡平府院君貞靖公璠女初封樂浪府大夫人世
祖元年乙亥冊封王妃二年丁丑上冊慈聖成宗十
四年癸卯昇遐于溫陽春秋六十六封王妃冊文曰
天地定位萬物以生君后合德萬化乃成立元妃所
以佐內治宣陰教也咨爾尹氏名家世族令德來嬪
以勤以儉率禮不愆自予潛邸之初式至今休孝順
之蹟國人所知宜正位號以表儀中壺爰遣領議政
鄭隣趾中樞院事朴仲林授爾冊寶立為王妃噫上

承宗廟下原風化其履中體順永惟終始共享我國
家用保我子孫敬之哉

棋進臣姓名不傳○
大妃封崇見太后

德宗妃仁粹徽肅明懿昭惠王后韓氏籍清州明朝
宣授光祿寺少卿本朝左議政西原府院君襄節公
確女世祖乙亥冊封粹嬪成宗二年辛卯德宗追崇
後進封為仁粹王后燕山君十年甲子昇遐春秋六
十八皇明憲宗皇帝封王妃誥曰冊文不傳故
以封誥代錄帝王
因子推恩既錫爵於其父而必榮及其母者所以昭
慈訓之良遂顯親之願也甬韓氏乃故朝鮮國世子
李諱之配今國王諱之母也作配賢良夙惇婦道篤

生令子克慎母儀夫既追贈於王封爾亦宜偕於異
數特封爾為朝鮮國懷簡王妃尚克敬承永光後胤

大妃封崇
見太后

睿宗妃徽仁昭德章順王后韓氏籍清州領議政上
黨府院君忠成公明澮女世祖五年庚辰冊封世子
嬪六年辛巳昇遐春秋十七成宗三年壬辰追尊為

王后上謚徽仁昭德

教命冊文
並不傳

繼妃仁惠昭徽齊淑安順王后韓氏籍清州右議政
清州府院君襄惠公伯倫女選入東宮初封昭訓睿
宗卽位冊封王妃燕山四年戊午昇遐春秋傳封王

妃丹文曰坤承乾於下以成覆載之功后正位于内
以基風化之源其道一也咨爾韓氏名門淑媛宜家
令德予在春宮妙選來嬪儆戒相成維德之行賢我
三韓承歡兩宮載誕元良以篤我邦家之慶逮予嗣
位雖已封妃未遑授丹寶玉以尊名位於戲惟克敬可
也今遣云云授寶丹寶玉以尊名位於戲惟克敬可
以承宗廟之重惟積德可以致本支之隆思嗣徽音
益勤陰教暨予一人共享無彊之福

李承旨撰進
大妃封崇見太

后

成宗妃徽懿慎肅恭惠王后韓氏籍清州領議政上

黨府院君忠成公明澮女成宗卽位丹封王妃五年
甲午昇遐春秋十九燕山君三年丁巳追上徽號徽
懿慎甫封王妃丹文曰乾與坤而合德萬物資生后
立配而刑家一國興化茲循成憲用伸寵章咨爾韓
氏積德名門元勲茂族勤儉之德夙著柔靜之性天
成自在潛邸之時已為嘉耦逮踐丕祚之日益賢洪
猷宜加顯冊之封以正中壺之仁於戲仁敦麟趾闡
風化於二南慶衍螽斯昌本支於百世

撫進民姓
名不傳

繼妃慈順和惠昭懿欽淑貞顯王后尹氏籍坡平右
議政鈴原府院君平請公壕女成宗四年選入大內

初封淑儀十一年庚子丹封王妃中宗二十五年庚寅昇遐春秋六十九封王妃丹文曰建極立民非獨資於外輔齊家治國亦必賴於中闡茲率舊章載揚顯丹惟爾尹氏齊莊貞靜微柔懿恭膺妙選於後宮播令聞於內壘媚于三殿可嗣太任之徽音輔予一人庶幾塗山之至德允副宮庭之望光增禴翟之儀於戲葛之覃芳勉率勤儉之俗鷄既鳴矣何間箴警之言

撰進臣姓名不傳
大妃封崇見太后

中宗妃恭昭順烈端敬王后慎氏籍居昌左議政贈領議政益昌府院君信度公守勤女初封府夫人中

宗元年丙寅正位中壺八日遜于私邸十年乙亥潭
陽府使朴祥淳昌郡守金淨應旨上疏請復慎氏位
歸大司憲權敏手大司諫李荇等謂之邪論啓配祥
等明宗十二年丁巳昇遐于私邸春秋七十一甫宗
二十四年戊寅前縣監申奎上疏請追復位號議不
一事遂寢英宗十五年己未儒生金台南上疏又請
復位收議大臣禮官後追復位號冊文曰撫瑤華之
跡遙幽寃久鬱稽彤史而儀備閨典載修在禮卽宜
揆情亦得恭惟端敬王后毓德名族作嬪懿藩承大
寶而纂圖刑家賢治陟中壺而儷極居正體坤不幸

異論之聞生以致離宮之遜處猜芝蘭之當路既見
國舅之芟夷感糟糠之下堂無賴聖教之悽婉除一
二臣外公議之泯默至今閱數百年餘國人之憐悲
未已肆予衷天誘而神啓矧物理否久則泰回蕭瑟
荒郊幾傷舊壠之物色肅穆清廟載煨新祔之儀文
想先后陟降之靈是禩是恍惟寧考繼述之志乃今
乃成况輦翟之重輝叶神人之交慶謹遣臣議政府
右議政宋寅明奉玉冊上徽號曰恭昭順烈仰冀昭
鑑俯賜垂歆藹盥之如臨幽贊洪祚揭徽烈之未

沫申錫繁禧

李德壽
撰進

繼妃宣昭懿淑章敬王后尹氏籍坡平領敦寧府事

坡原府院君靖憲公汝弼女中宗元年丙寅選入大

內初封淑儀二年丁卯冊封王妃十年乙亥昇遐春

秋二十五封王妃教命文曰

列聖誌狀以冊文載錄而註以與冊體有異恐

是教

古先哲王之理國也未有不選八賢妃所以重

人倫之本基百福之源也粵予眇末嗣守大寶念惟

負荷之重必賴內治之助中闈不可久曠匹耦宜極

妙選思得賢淑共承宗廟寤寐求之將一年于茲咨

爾尹氏生於名族夙有令聞選入宮禁德冠椒掖可

正位號母儀一國茲承懿旨冊為王妃於戲后妃之

於君也猶坤之於乾月之於日也配乾稱大助日為
明非柔順貞直之至何以能此其祇服寵命克廣盛
化著虞嬪之至德嗣周母之徽音以丕衍無疆之慶

李世仁
撰進

繼妃聖烈仁明文定王后尹氏籍坡平領敦寧府事
坡山府院君靖平公之任女中宗十二年丁丑冊封
王妃明宗二十年乙丑昇遐春秋六十五封王妃冊
文曰乾剛之大亦資坤元王化之基必由內治義易
因之垂訓國風所以著稱矧在寡躬尤切良佐咨爾
尹氏毓慶名族秉心義方肅雍之儀不煩姆教幽閑

之性本自天成寔膺寤寐之求足慰家邦之望茲舉
盛禮俾正中闈謹遣某官持節備禮冊命以爾為王
妃於戲葛覃儉勤固當先率以德鷄鳴警戒庶幾永

享于休

李荇撰進○大
妃封崇見太后

仁宗妃孝順恭懿仁聖王后朴氏籍羅州僉知中樞
府事贈領議政錦城府院君壻女中宗十九年甲申
冊封世子嬪仁宗卽位進封王妃宣祖十年丁丑昇

遐春秋六十四

教命冊文並不傳
大妃封崇見太后

明宗妃宣烈懿聖仁順王后沈氏籍青松領敦寧府
事青陵府院君贈領議政翼孝公鋼女明宗卽位冊

封王妃宣祖八年乙亥昇遐春秋四十四教命冊文并傳○

大妃封崇
見太后

宣祖妃章聖徽烈貞憲懿仁王后朴氏籍羅州領敦

寧府事潘城府院君贈領議政靖懿公應順女宣祖

二年己巳丹封王妃二十三年庚寅上號章聖三十

三年庚子昇遐春秋四十六三十七年甲辰追上號

徽烈穆宗皇帝封王妃誥曰

冊文失於兵火不傳故以封誥代錄我祖

宗誕膺天命統御萬方瞻惟東藩恪修方貢奕世休

饗恩賚有加朕嗣守丕基率遵先典迺國君繼祚既

遣使以䟽封肆婦爵從夫復並隆其命數爾朝鮮國

王李諱妻朴氏出自元宗夙閑方訓爰膺妙選作配
名邦方嗣位免喪之時協令居燕譽之吉適覽耒表
良嗣佇懷特封爾為朝鮮國王妃於戲宜爾室家繫
一國之風化共承祭祀行百代之雲仍無隋令儀以

迓多福欽哉

南京太僕寺丞
歸有光所撰

繼妃昭聖貞懿明烈光淑莊定仁穆王后金氏籍迨
安領敦寧府事迨興府院君贈領議政懿愍公將男
女宣祖三十五年壬寅冊封王妃三十七年甲辰上
號昭聖仁祖十年壬申昇遐春秋四十九封王妃冊
文曰坤承乾於下致覆載之功后正位乎中基風化

之本歷究古昔之至治咸由內外之相成肆在寡躬
蓋湏賢佐咨爾金氏系出名閥德協宜家婉睦惠慈
雅應柔則幽閑貞靜蔚有嘉聲合膺兩極之尊膺啓
百福之始載繇吉日爰舉縟儀茲遣議政府左議政
金命元持節備禮冊命為王妃於戲惟孝敬可以奉
宗廟而無虧惟恭儉可以處富貴而無失勉宜陰教
勿替徽音翟茅魚軒式瞻母儀之盛葛覃樛木佇俟
國風之休

申欽撰進○大
妃封崇見太后

元宗妃敬懿貞靖仁獻王后具氏籍綾城左贊成贈
領議政綾安府院君文懿公思孟女初封連珠郡夫

人仁祖卽位進封府夫人宮號啓運四年丙寅昇遐
春秋四十九年壬申元宗追崇後追尊為王后追
崇冊文曰禮必先於正名旣講叙倫之典孝莫大於
追遠爰修曠世之儀事旣間於幽明情實切於悲喜
恭惟王后殿下塗山令德京室徽音服懿訓於名家
咸稱壺模之正徵異夢於寶璽早識天命攸攸念茲
否運之重恢罔非神謀之密授最昏長樂恒存愛日
之誠霜露原陵遽結終天之慕誰無父母心獨歎於
顯揚厥有彝章序難紊於祖禰考往牒之遺制叅本
朝之舊章鋪陳配地之宏休謌頌生民之盛業儀文

式脩月日其良謹遣臣尹昉等奉丹寶上號尊曰敬

懿貞靖冀鑑微衷丕膺殊號繩金檢玉垂景鑠於千

秋復廟重檐饗精禋於百代

撰進臣姓
名不傳

仁祖妃明德貞順仁烈王后韓氏籍清州領敦寧府
事西平府院君文益公淑譙女初封清城縣夫人仁
祖即位冊封王妃十三年乙亥昇遐春秋四十二封
王妃冊文曰乾元肇始功必資於順成坤道含章德
即配乎劉健欲基風化之本允兢夫婦之端屬茲鼎
革之初式舉顯冊之典咨爾王妃韓氏篤生名族受
簡先王率禮飭躬既盡誠敬之實用貞當壺尉有恭

儉之稱克裕內治丕贊弘績榮辱興共辛勤多歷於
歲年艱難備嘗儆戒恒存於夙夜宜正儷極之位俾
享倪天之尊茲遣臣議政府左議政尹昉兵曹判書
金塗持節脩禮授以玉冊寶章於戲惟孝謹可以奉
宗廟而無虧惟淑慎可以處富貴而無失欽服寵命
益勉輔佐之心昭嗣徽音同保延洪之福

李景憲
撰進

繼妃慈懿恭慎徽獻康仁貞肅溫惠莊烈王后趙氏
籍楊州領敦寧府事漢原府院君惠穆公昌遠女仁
祖十六年戊寅冊封王妃肅宗十四年戊辰昇遐春
秋六十五封王妃冊文曰詩首閔睢正始之義大禮

重違翟建配之典隆蓋與之共承宗祧亦所以丕闡
王化載稽舊則式備新儀咨爾趙氏芳訓家傳玉度
天賦循環佩之響夙著和聲應涉麓之徵允合法相
龜諏既叶象朕攸宜虛聞不可久虛相臣從而申請
未堪多難不遑宮室之安敢廢大倫爰取幽閑之德
肆消季冬之吉乃正長秋之尊茲遣左議政申景禎
持節脩禮冊命為王妃於戲敬謹然後肅宸嚴恭儉
可以守富貴勉宣陰教克贊陽明邦稱小君繼塗山
之翼戛予有十亂追妣氏之興周李景奭撰進○大
妃封崇見太后
孝宗妃孝甫敬烈明獻仁宣王后張氏籍德水右議

故新豐府院君贈領議政文忠公維女仁祖九年辛
未初封豐安府夫人二十三年乙酉冊封世子嬪孝
宗卽位進封王妃顯宗十五年甲寅昇遐春秋五十
七封王妃冊文曰理國先家所以叙人倫之本臨軒
冊后所以明王化之基蓋婦德之良由內而及外坤
元之象體乾而居中典常是稽今古攸重咨爾王妃
張氏篤生名閥簡配寡躬奉訓誠於聖母克嗣柔嘉
淹歲月於殊方共嘗艱苦遂進位於甲觀仍儷尊於
椒闈風恢二南誕播閔睢之詠慶叶一索茂迓長發
之祥肆當卽吉之辰庸賁正始之命茲遣臣議政府

領議政金瑁戶曹判書李時昉持節備禮授以玉冊
寶章魚軒翟茀倣禮經而昭衷玉檢金書遵憲章而
備物於戲以恪謹祇承宗祏以儉約表式宮庭益聞
徽音無替修齊之助勉宣陰教庶延昌熾之期

尹順之撰

追○大妃封
崇見太后

顯宗妃顯烈禧仁貞獻文德明聖王后金氏籍清風
領敦寧府事清風府院君贈領議政忠翼公佑明女
孝宗二年辛卯冊封世子嬪顯宗即位進封王妃甫
宗九年癸亥昇遐春秋四十二封王妃冊文曰義易
之著坤象用配乾元周詩之首閔睢寔基風化所以

帝王之致治必由夫婦而造端念予冲人幸有良佐
咨爾王妃金氏祥徵淑麗慶毓名門淑慎柔嘉之儀
動合女則幽閒貞靜之德亶自天成久相寡躬於儲
闈允協寧考之睿簡逮中壺之正位愈殫裨贊之誠
侍東朝而承顏克諧怡愉之樂顧茲丹雘之典盖待
卽吉之期三年既終曷任繼率嬪御鷄鳴獻戒毋替
敬畏之一心麟趾衍休永序之感百福攸始宜膺儷
極之尊茲遣臣議政府領議政鄭太和刑曹判書趙
啓遠持節脩禮授以玉冊寶章於戲惟孝謹可以奉
宗祧惟禮法可以綿本支於百世祇服寵命丕闡徽

音

金壽恒撰進
妃封崇見太后 大

肅宗妃光烈宣穆惠聖孝莊明顯仁敬王后金氏籍
光州領敦寧府事光城府院君贈領議政文忠公萬
基女顯宗十二年辛亥冊封世子嬪肅宗卽位進封
王妃六年庚申昇遐春秋二十三十九年癸巳追謚
光烈景宗二年壬寅加謚孝莊明顯英宗二十九年
癸酉加謚宣穆五十二年丙申加謚惠聖封王妃冊
文曰王假有家建妃之義尚矣坤厚載物配乾之象
著焉所以關睢為風化之基邑姜居亂臣之一肆蠲
吉日爰舉縟儀咨爾王妃金氏詩禮名家幽閒淑質

絕紛華之習蓋其性成循環佩之聲不煩姆教聿膺
先朝之睿簡早相寡人於儲宮逮三年之居憂益虔
頗藻奉兩殿而殫孝匪懈清溫茲當釋服之辰庸闡
宣冊之命餘哀未盡繼序之禮何安舊典斯循正始
之道亦重茲遣臣議政府領議政許積議政府右叅
贊閔熙持節脩禮授以玉冊寶章龜章翟第脩文物
而增輝玉檢金泥載令規而播美於戲惟節儉寔興
化之本惟驕奢卽敗道之階鷄鳴進箴庶臻政治之
裨益麟趾行慶佇看本支之蕃昌勿替任姒之徽音

永承宗祧之休烈

洪宇遠
撰進

繼妃孝敬淑聖莊純懿烈貞穆仁顯王后閔氏籍驪
興領敦寧府事驪陽府院君贈領議政文貞公維重
女肅宗七年辛酉冊封王妃冊文曰王者奉神靈之
緒必資內助之賢聖人重風化之原尤謹大婚之禮
所以肅將於宗事亦賴輔成於治卽屬值國勢之多
虞寧使壺職之暫曠祇承慈旨幾切寤寐之求廣詢
輿言幸得柔嘉之吉肆循舊制式舉縟儀咨爾閔氏
期應玄符慶衍華胄幽閑貞靜之操離絕等倫溫惠
淑慎之姿動遵規範不待鳳凰之佳繇已叶睢鳩之
好逑蓋觀自昔廢興之由恒因茲出歷選當今名德

之族咸曰是宜合膺翬禴之華庸正黃裳之位布典
冊而情文方脩崇物采而象服斯煌茲遣臣議政府
領議政金壽恒兵曹判書李翮持節脩禮冊命為王
妃於戲非孝敬無以訓家邦非恭儉無以守富貴鷄
鳴而申儆戒克嗣徽音鵲巢之播聲詩丕宣陰教尚
匹美於姬亂期賢理於坤元母替令猷永綏罷命

叙撰
進

李
毓

十五年己巳遜處私第二十年甲戌復位冊文曰惟
辟興化必本修齊惟聖盡倫充倫媿耦予實有感於
斯義今宜亟尋於舊章既復尊名載舉縟禮咨爾王

妃尹氏毓慶沙麓陞華桂闈密勿嘉謨幾多脫簪之
戒雍容懿度不愆鳴珮之聲事兩殿而祇承歡顏御
六宮而均覃惠澤頃從屏退以後克持謹畏之心睽
阻彌年雖自䟽於良佐寤寐一念豈終忘於德音爰
備輿衛之儀遂登坤極之位明吾過於既往十行斯
頒儼母臨之如初萬品乃正若環斯轉喜不遠而來
歸庸玉于成知有資於增益天意人情之可見象服
寶命之維新茲遣臣議政府領議政南九萬禮曹判
書尹趾善授以玉冊寶章於戲惟勤儉所以訓家邦
惟謙慎所以保寵祿重聞陰教佇聞二南之風申賚

靈圖永垂萬代之範勿替任姒之徽烈益縣宗社之

洪休

朴泰尚
撰進

二十七年辛巳昇遐春秋三十五三十

九年癸巳追謚孝敬景宗二年壬寅加謚懿烈貞穆

英宗二十九年癸酉加謚淑聖五十二年丙申加謚

莊純

繼妃惠順慈敬獻烈光宣顯翼康聖貞德壽昌永福

隆化徽靖定懿章穆仁元王后金氏籍慶州領敦寧

府事慶恩府院君贈領議政孝簡公柱臣女肅宗二

十八年壬午冊封王妃三十九年癸巳上號惠順英

宗三十三年丁丑昇遐春秋七十一封王妃冊文曰

圖光邇日並二曜而貞明厚德承乾分兩儀而覆載
故國風之正始迺人道之造端毓祉儲祥玄符聿驗
尊名定位縉典載修咨爾金氏積慶華宗含章懿範
承尚書之舊訓早播徽音襲相國之遺芬采彰惠聞
肆叶捫天之夢爰成迎渭之梁詢諸卿士則皆曰允
臧謀及筮龜則亦云其吉彛章式舉倣禮經而昭文
象服斯煌遵故實而脩物茲遣臣議政府左議政李
世白禮曹判書金鎮龜持節脩禮冊命為王妃德已
享於儷極陰教將資化必本於齊家壺儀宜飭於戲
惟勤儉可以率下惟端莊可以莅尊惟內外相成家

邦則泰惟終始不怠福祿則豐撫愛元良如馬后之
慈于漢嗣規箴夙夜若姜妃之警于周王可使國人

咸稱聖母

姜覬撫進○大
妃封崇見太后

景宗妃恭孝定穆端懿王后沈氏籍青松僉正贈領
議政青恩府院君浩女甫宗二十二年丁丑冊封世
子嬪四十四年戊戌昇遐春秋三十三景宗卽位追
封王妃英宗二年丙午追謚恭孝定穆追封王妃冊
文曰春軒夕開闥芳塵於簾帷虛位新封鐫遺烈於
琬琰禮無間於幽顯情有無於喜悲咨爾端懿王后
沈氏性稟溫柔心操謙約任如之聖德代出沙麓毓

祥馬鄧之令名家傳門闡趾美粵自膺質之載誕爰
有異瑞之交騰晃朗天文光巨龍門之遠通澄清月
彩夢覩鳳舞之高低婉順咸稱乎克懷之初孝謹益
著乎扇枕之日膺三選於弱歲奉六禮於吉辰龍樓
侍傍允獲歡心於二聖鶴禁成儷宴為良佐於眇躬
不幸疾疾之中嬰每恨喪制之少歎瞻明寢而西望
情深痛傷潤溫駕之南巡誠切德慕嗟純行之克篤
胡寶籌之弗縣歲月幾何驚五籥之倏改昊天同極
慟三年之甫終既失巨初之與更且違宗祧之共事
收餘淚於重壁予懷曷任正尊名於長秋邦禮庸舉

銅龍殘漏尚想朝暉之承禴翟新章宛遊夕月之出
於戲今修媿尊之藝典實多感舊於淵衷茲遣臣云
云持節脩禮授以王冊金寶明德顯揚陰教幽闡誕
載彤管永垂徽于簡編密贊瑤闕庶行慶於邦國

進撰

臣姓名
不傳

繼妃敬純孝仁惠穆宣懿王后魚氏籍咸從領敦寧
府事成原府院君贈領議政有龜女肅宗十四年
戊戌冊封世子嬪景宗卽位進封王妃英宗六年庚
戌昇遐春秋二十六封王妃冊文曰坤元配乾四時
順序月行儷日萬象仰明所以帝王之御邦必先后

妃之正位尊稱雖舊顯丹維新咨爾王妃魚氏毓慶
名門徵祥沙麓幽閑貞靜之德亶由性成溫柔淑慎
之資不煩姆教聿應寧考之睿簡遂相寡躬於儲闈
三年之喪與更同愆于禮中月之制奄闕未忘餘哀
然彝章不可久稽故縟儀爰命亟舉茲遣臣去、持
節備禮授以玉冊金寶於戲惟誠敬可以奉宗廟惟
謙挹可以處崇高歡顏祇承於東朝並殫愉婉之深
受治化遠被於南國丕闡輔賢之陰功長秋儼母臨
之儀臣民咸戴貳極盡子育之道慈孝並隆母替徽

音永縣洪祚

柳鳳輝撰進○大
妃封崇見太后

英宗妃惠敬莊慎康宣恭翼仁徽昭獻端穆章和貞
聖王后徐氏籍達城郡守贈領議政達城府院君孝
僖公宗悌女肅宗三十年甲申初封達城郡夫人景
宗元年辛丑冊封世弟嬪英宗卽位進封王妃十六
年庚申上號惠敬二十八年壬申加號莊慎三十二
年丙子加號康宣三十三年丁丑昇遐春秋六十六
四十八年壬辰追謚恭翼五十二年丙申加謚仁徽
今上二年戊戌加上端穆章和八年甲辰加上昭獻
封王妃冊文曰四星配天極之尊玄象不忒六
駝備椒塗之飭綢禮斯隆蓋風化實重於造端故典章庸

昭于正始咨爾王妃徐氏寧考攸簡德音無違與饋
是將始來歸於宗邸珩珮相儼與周旋於儲闈藹乎
隆化之潛孚久矣寡躬之夾輔每承顏於長樂晨昏
畫誠重茹恤於大喪哀慕踰禮芳猷幾播於彤管令
聞允叶於黃裳肆當殷制之告終亟循漢軒之策弔
光陰迅駛思繼序而疚懷與服煒煌徽掌故而有事
茲遣臣議政府左議政洪致中禮曹判書沈宅賢持
節脩禮授以玉冊金寶於戲惟謙慎以之居位惟撫
勤以之飭躬夙夜虔蘋藻之供中外布絃誼之教撫
元良而慈育基我萬年率六宮以仁恩囿彼羣品庶

幾訓辭之欽念勉圖福履之永綏

尹鳳朝撰進

繼妃睿順聖哲莊僖惠徽翼烈明宣王后殿下金氏
籍慶州領敦寧府事鰲興府院君贈領議政忠憲公
漢高女英宗三十五年己卯丹封王妃四十四年壬
辰上弔睿順五十二年丙申加正聖哲封王妃丹文
曰兩曜之明垂法於齊體二南之治肇化於正家蓋
大婚有國所先而茲選在今尤重相躬享於真殿寧
容壺饋之久虛攀手澤於慈奩尚感翟禴之舊貯肆
欽遵於遺旨乃亟舉於彝章咨爾金氏稟姿幽閑襲
訓詩禮璜聲靚穆動合坤元之儀玉度端莊無煩師

氏之教斯為載物之德允矣含章之貞廷論金諧案
但龜筮之協予志遂定克副寤寐之求正寶命於中
闡象服是稱嗣徽音於太母彤管愈光於戲惟柔敬
可以儷尊惟儉約可以飭已惟謙慎可以集百祿惟
仁惠可以資衆生芳猷夙彰佇見齊鵠之播詠晚政
彌礪庶賴周簪之進規勉思令圖永綏遐祚

鄭翬良
撰進○

大妃封崇
見太后

真宗妃徽貞賢淑孝純王后趙氏籍豐壤左議政豐
陵府院君贈領議政文忠公文命女英宗三年丁未
冊封世子嬪十一年乙卯賜號賢嬪二十七年辛丑

昇遐春秋三十七二十八壬申賜謚孝純五十二
年丙申賜號承統今上即位追尊為王妃上謚徽貞
賢淑追崇丹文曰闡承統之洪休誕奉顯丹追儼尊
之懿範齊崇丕補我家之禮亦宜先王之志是繼恭
惟皇妣孝純承統賢嬪凝姿淵靜飭躬端莊玉度含
章德合貳極橫聲中矩譽洽六宮宸闡篤順志之誠
源百行於止孝私門申履滿之戒基萬善於軌謹令
猷采著於嗣音景緒寔資於衍慶屬眇躬遵繼序之
禮伊隆號奉配極之儀昭穆式承嗟至養之靡逮日
月齊輝庶遺範之載揚徽是衆美之歸貞乃四德之

幹媿齊妃之儼畏前哲稱賢賢周如之幽閒詩人詠
淑茲稽彛典庸昭嘉名謹奉丹寶上尊號曰徽貞賢
淑孝純王后伏惟俯垂鑑臨誕膺隆賁流耿光於天
壤彤管傳芳介繁祉於雲仍青社縣錄鄭存謹
撰進

王妃殿下金氏籍清風左叅贊贈領議政清原府院
君靖翼公時默女英宗三十八年壬午丹封世孫嬪
今上卽位進封王妃丹文曰乾坤寶統承之功品物
乃遂帝王重配匹之際風化攸基道莫大乎造端禮
故隆於正始爰稽彛典載舉縟儀咨爾王妃金氏仁
厚家風幽閑夙譽為是明望后華閔將嗣徽音所以

先大王妙掄俾輔寡德分正位于內允矣含章在
中三年之制與更采切繼序之感百福之源方啓合
膺齊體之尊肆當釋服之辰庸申宣冊之命於戲惟
誠敬可以承禴祀惟勤儉可以虔崇高奉晨昏於東
朝罔懈執王之念縣本支於百世宜推藟葛之恩彤
管之歌頌並流節應珎珎黃裳之德任相稱化布紘
綖式念訓辭永綏福履

金鍾秀
撰進

